

邵

陽

縣

鄉

土

志

卷二

72665

1000

270.143

139

2022



邵陽縣鄉土志卷二

耆舊 下

國朝

車萬育

字與三一字鶴田康熙三年進士選庶吉士城東白馬田車氏

仕終兵科給事

中祖大敬見前父秘書遭亂負父母走山谷侍護無

閒撫弟孤子如己子康熙元年以貢遙授常德教授

祀鄉賢萬育學問賅博善書法貧時僭兄萬備萬有

然松讀書既成進士初授戶科給事中上河工一勞

永逸疏運道機宜六事論漕運冗費論督撫遷轉激

邵陽縣鄉土志

卷二

歷史

耆舊

一

勸法論招撫論關課侵欺缺額皆他人咋舌者滇藩

吳三桂叛父留原籍湖南道不通涕泣亟請假歸父

已先卒後遂家於江甯服除補兵科陞掌印疏請冊

立中宮及東宮出閣讀書又有肅朝儀及撫臣規

避直陳朝政得失三疏每疏累六七千言或面對漏

下二十刻未休或以煩瀆懼萬育曰吾以言為職未

遑他卹也既掌登聞鼓雪中州弱女之冤會推大吏

直詆某監司穢迹復力爭朝審同罪異罰之非嘗有

事當畫諾或倩某代某曰車都諫畫不可代也或暮

夜懷金囑以事萬育唾曰爾不聞世有車與三耶當
是時直聲震天下有尼之者因告歸既去官十三年
其子鼎晉廷對策善廷臣以萬育子對上曰何久
不見車萬育耶朕猶記其狀貌爾爾又三年上南
巡召問治河方略沒後復召鼎晉問疾卒狀諭令卽
葬江甯其爲上所眷顧如此萬育有奏疏十卷螢

照堂明代法書石刻十卷歷代君臣交警錄百卷集
唐詩十六卷又有全史一變春秋易簡讀餘集祈壽
游草懷園雜著各若干卷子鼎晉鼎豐

鼎寶見後萬備字我皆與萬育同舉於鄉有至性
母卒拊心嘔血母病思魚不得遂終身不食魚官沐
邵陽縣鄉土志卷二 歷史 耆舊 二

陽知縣清積欠修學宮創橋渡民稱惠慈年八十卒
萬有字涵夫別號只山性魯最篤學每凝思浴則
忘起行或入淖遇霖雨不覺以拔貢生考授教習著
有西湖吟借園得得園諸稿萬備子鼎立生十一
歲孤居喪似成人及長肆力於古詩情書法突過前
人年未四十卒萬有子鼎銓亦才士康熙拔貢授
桂東教諭不之官孫策引例試江蘇華亭縣丞乾隆
中純朝南巡迎謁稱旨陞知縣屢膺赤緊曾孫
其昌元孫煌均拔貢其昌工古文性方嚴寡
合人以滅明稱之煌宰湖北漢川縣有政聲

簡珩字中文康熙八年舉湖廣
鄉試第一父逸民文顯賦性渾樸矜尙名義甲
寅吳逆三桂之變偽檄催前科舉人敘用珩遁跡深

山不與世接者五年滇逆平又三年入都會試有愛
其才招遊門下者謹謝之後循例補內閣撰文中書

供職小心同僚推重旋給假歸不復出玘居家謹嚴
有法率族人建宗祠置祭田修祀典興義學建念祖
堂戒子孫無忘祖而廉訓主祀事二十餘年敬慎如
一日生平敦篤三黨扶危拯困孜孜如不及晚歲絕
迹城市知府王組慕其高蹈敦迓鄉飲正賓卒年八

十三子培元恩貢有孝行允元將貢輒棄去著有周禮註疏讀耕亭詩文集 玘從弟二曰策曰廷

佐均康熙歲貢文顯子廷佐少英敏康熙癸酉舉人
謁選得華陰知縣擇士督課成就甚多綜理繁劇能
應機立辦河決山陝界朝邑蒲城爭灘地成大獄屢
歲不解總督鄂海檄廷佐往勘一言而釋兩縣民皆
服在任十餘年以疾卒官民泣送有直至邵陽境者
後三十八年門人潼關廳楊鸞以進士來守寶慶求

鄧陽縣鄉土志 卷二 歷史 耆舊 三

其遺稿為封墓致祭而去華陰有望華書院華人相
與設主祀廷佐其中 策順治十八年舉人性敏篤
書同世父文灝應邑令顏堯揆聘纂修縣志兩赴
禮闈不第歸卒河南新鄭旅次年三十五人惜之

周邵生字自稷一字西昉別號桐溪康熙申舉人高祖良士祖世和見前 父鎬學養深

邃內行純篤母嗜茶惡不潔即治圃藝茶自製雍正

初 恩貢邵生有夙慧生數月父抱近几案喜摩挲

書卷指一國字示之能暗記百試不誤稍長留心宋

五子書鄉舉後屢上春官不第知德安縣逾年遭誣

枉被劾事白引見以刑部主事用歷試江南貴州司

補授左現審司屢平反大獄尋以母病急歸母卒侍

父不復出。先意承志。人所難及。邵生官部曹時。以文行見重。方侍郎苞謂其能扶植正學。將薦諸朝。會乞養歸。不果。邵生子思仁。詳後。邵生從弟。邵生叔父銓之子。邵生嘗疾篤。邵生涕泣視湯藥。邵生日。弟依依若此。欲效而父所為耶。先是鎬有疾。銓祈以身代。故邵生語若此。邵生被劾。邵生實筦出納。謂兄無恐。吾一無汙染。雖百劾何為。銓子任生。鄧生。邵生亦並知名。湘潭李觀。是嘗寄邵生任生書。稱兩人以孝友為興。居以詩書為飲食。以治生應務為學問。語並紀實。邵生甯遠教諭。邵生子思咸。乾隆舉人。

陳憲道

字介如。康熙八年鄉舉。北鄉隆回老鴉田陳氏。

心氣和平。任事明斷。

有吏才。官曲周知。縣與士民相見如家人。父子大為

邵陽縣鄉土志

卷二

歷史

耆舊

四

縣人所悅服。在任分築河隄。會勘大獄。謹慎公正。上官才之。遭父喪歸。遂不復出。優游奉母。王氏以終。著

有慎庵藏稿若干卷。祀鄉賢。

子所迪。允建。所迪諸生。工樂府短歌。著有易經

備要。知非什。適然吟等集。亦祀鄉賢。允建負才。氣蚤餼於學。未三十卒。車無咎為文哭之。慟。

車鼎晉

字麗上。一字平嶽。康熙丁丑進士。萬育子。

仕福建提督學政。幼敏悟。

器宇深沈。七歲能詩。成進士後。改庶吉士。散館。授編

修典。廣西試。居父憂時。嘗特召與江浙詞臣。校輯全

唐詩。敘勞。固辭。聖祖嘉之。又任政治典學。治河方

略。玉牒諸館事。賞賚有差。服闋。出督福建學。崇正學。

黜異端請增祀朱子門人黃榦陳淳兩廡檄毀林三
教祠斧其書板閩人所在立祠有造士碑記車公書
院記試延平時某請託弗應至絕薪水覓舟不可得
諸生聞之爭自負米肩薪雜運擲舟中某悔懼鼎晉
意無拂旋奉命濬河遭母喪哀毀甚會兩弟室書獄
遂憂憤卒鼎晉精明剛正學務實踐不爲空談居史
職究心當世事羣以大用期之晚遭家禍位不符望
天下惜之著有四書辨體審音考異惟是錄天竹山
房詩文集各若干卷雜著十二卷子敏來詳下鼎晉

邵陽縣鄉土志

卷二

歷史

耆舊

五

豐鼎賁鼎豐易名道南字雙亭副貢生專力四子書
四十年精三禮以朱子戴記未有成書哀集諸說爲
一編凡婚喪必仿行之時楚浙獄起株涉皆論死瀕
行家人涕泣請所欲言鼎豐正色曰若輩勉爲善無
吾戒也在獄五年誦讀著述不輟事白矣以曾刊呂
氏評語羅禍所著教學繩墨盛行於時鼎賁易名世
南字南東臨危次子未與朱請所欲言瞋目曰吾上
不愧天中不辱祖更何言汝兄弟書不可不讀善不
可不爲窮通禍福聽於天不可因噎廢食與兄鼎賁
雖獄中並有撰述裔孫持謙上元諸生不失門風

敬篔

字庸節一字宏烈康熙五十三
年進士中鄉二都夏田灣人

性峭直誠樸自以

先世本宦族

敬忠敬永居官
皆有名迹見前

近以農家子爲人所易

年十七始發憤讀書三年學成名大起既通籍以母
老乞養歸旋遭喪不復出世廟登極詔在官各

舉所知御史巴陵黃秀疏薦霍狷介有守霍固辭不
起秀復移書促之謁選得慶雲知縣卒於官有恕齋
文稿學政吳嗣富敘行之

車敏來

字遜公一字望亭康熙五十三年進士鼎
晉子今杓欄街萬壽宮是其故宅遺址性厚

重兒時有成人量初以進士留京教習萬壽開館

特旨取充纂修旋兼詩經館教習期滿得廣東新

會知縣聖祖問祖父官階邑里顧諸臣曰朕固知

爲一家人時鼎晉方視學閩中也新會瀕海多盜敏

來至治其魁盜風息運銅至京適山西請簡發吏部

邵陽縣鄉土志

卷二

歷史

耆舊

六

以敏來名上世宗特召至榻前訓勉賜貂皮克食

補安邑令歷任保德州隰州告歸卒在安邑七年建

學舍革鹽池陋規鹽政某以勢臨之不顧保德據萬

山顛土瘠民稀俗多種菸敏來教令種穀由是民不

苦饑州故附他郡試士以爲苦敏來出已貲修試院

保德遂蔚然爲大州有名人隰在山麓瘠苦尤甚敏

來子身之任單騎詣各山莊課農事墾荒鑿渠隰田

遂登上則以閒教諸生爲文州不鄉舉三十年至是

始顯敏來嘗謂吏以清爲本舍此慎勤皆誤所至大

書聽事曰。勿作子孫計。是爲父母官。歷任三十年。不名一錢。敏來沒後。保德屬縣河曲黃宅中。道光時權守寶慶。訪拜車氏祠堂。會車氏訟祭田。卽爲直之。曰。吾以報車公。宅中嘗言先世艱於一衿。自學政按臨。而後其高祖始隸學籍。敏來弟敦本。以舉人官建平知縣。亦有聲。此本府志傳文。縣近志則以敦本爲鼎晉從子。敏來子碩。孫廷雋。均以上元籍。鄉榜中試。碩官襄垣知縣。廷雋官鄆城知縣。皆有政聲。從曾孫瀛。以南昌籍登道光癸巳科進士。距敏來成進士時。百二十年。

車果。字兼士。康熙辛丑武進士。鄉賢必書曾孫。父鼎彝。性拓達而孝友。父病。

邵陽縣鄉土志 卷二 歷史 耆舊 七

割股以療。果值陝西有警。由守備官宜都營都司。容美土司作亂。官軍久攻不克。果以錢帛購土人入城。購其親黨爲內應。果由閒道趨其後。城破。禽土司。收敕印。封府庫。以迎主帥。百姓安堵。以功擢鎮筸遊擊。授懷遠將軍。遷貴州安龍鎮參將。仍署遊擊。駐黃草壩。地荒僻。民散處。不習戰。果築城教練之。又捐貲立義學。兵民漸知禮義。尋調上江協。俗悍戾尤甚。果一以治壩者治之。踰年。兵民立碑紀其蹟。部推直隸武清營。雲貴總督以果恩威久著。爲苗民所服。特疏留。

之改撫標參將未幾卒黔滇士民哭奠不絕果性誠
一慤有讓在鎮算討思衝寨苗獲其酋二及男女數十
口押赴大營或給之緩行攘其功果不與較

吳車泰

字岱雲號滌齋雍正甲辰舉人曾祖思孝見前

父伯夔性豪曠遊歷幾

徧天下以貢歷官廣東瓊山令車泰幼穎悟長益攻
苦會試後以搜遺卷引見世廟顧諸臣曰此非教
官才命發廣東以知縣用竝賜以膳既至補大埔令
值粵荒斗米銀七錢車泰振濟有法民賴存活埔俗
悍往往食斷腸草以誣怨家車泰痛懲之又徧賃毒

邵陽縣鄉土志

卷二

歷史

耆舊

八

草投漲海盡拔根株俗爲之變聽斷明允案無留牘
貢生某以家產訟其從子諭之曰從子與子何異君
貌非凡人不久當居民上似此何以治人某愧卽止
後官南甯知府衡州舉人張某原令子也以私刻印
信被首訊旣確詳請治罪曰吾不敢以私情廢公法
縣界福建上杭以徭役訟大府委兩縣勘民擁上杭
令將爲變車泰至片語立釋歷官饒平昌化知縣崖
州知州題升同知最爲總督鄂爾泰所重以父艱去
尋卒車泰母車萬育女幼養外家故以車泰名

蔣大年字彌劬號南霞順治八年世有隱德父天錫以

孝稱大年幼從縣人唐懋載受經車大任奇之令與

其子以遵同學試輒冠其曹為文有秦漢風知府陶

琪縣令顏堯揆聘修郡縣志皆可觀生平勇於為義

癸巳之變上書當道全活無算康熙末與車萬育劉

汝能同請祀鄉賢曾孫楷柱均歲貢柱官茶陵訓導

寓目著鼎堂文集二卷五世孫璉均歲貢有學行

李惟敬順治戊戌貢生與兄惟恭俱有聲庠序惟敬恂恂如處

子與人交無失言失色三十失偶感妻孝終身不復

邵陽縣鄉土志 卷二 歷史 耆舊 九

娶今案三十字疑當作二十惟敬妻劉氏訓導世益

任松滋訓導不責束脩惟督諸生以學行康熙十二

年檄修郡志惟敬年八十矣志例無生作傳者惟敬

獨以義夫承 詔察舉表揚同時胡效順癸巳歲貢

丁祭行禮佛寺效順與教諭傅煌協濟修造諸生感

之踰歲即成嘗捐俸刻廣濟縣志以首事自處祀名

宦子士觀康熙舉人官蜀儀隴知縣縣胥貪橫甚黠

者伺新令至釀金為壽每受其挾制士觀譴卻之肅

然無敢肆縣田未經勘丈徵收多溢士觀按籍減除

以勞卒官未竟其用彭海舟者先效順一年貢任

天柱訓導閱四載又為天柱令牽累事白疏補舊職

年已八十不信浮屠臨沒猶為其子講易手書數語

而瞑又蕭受夔陳國遴亦順治貢生受夔以貧不

克赴廷試屏跡家居手一編不置及見其子芳康熙

壬午中試寒素不改卒年九十三芳未任無考國遴
在當時甚有文譽敦行孝友居鄉里能化盜賊其友
貢生劉素亦為時所重

簡斌字全子康熙三十六年初與從兄珙交相勉以學

行官通道縣訓導三年即歸閉門不出其學以崇正

為主衛道甚力幼讀啟蒙卦變之說於心未洽用手

摹畫既得其法又知其說有不行處與周易折中合

於古弁冕深衣之制嘗製綸紉為之使人皆可通曉

內典雲笈符籙神怪諸書搜羅殆盡具悉其妄則誦

言排擊或謂其持論過正曰古之毀淫祠殺妖蛇者

邵陽縣鄉土志 卷二 歷史 耆舊 十

何人吾豈以此為怯作崇正編以見志官訓導時揭

之明倫堂示以白鹿洞規準的曰黜彼崇此學其庶

幾矣士翕然宗之年八十二卒

王元復字能愚號惺齋康熙五十三年歲貢與祖尚遠

深經學文行粹然為一時冠初與同縣車无咎齊名

人稱車王又同衡陽王啟攸縣陳之駉共稱楚南四

家又有稱楚南三王者謂元復與啟及漢陽王戩也

元復之學於六經傳注程朱緒言旁及輿圖象緯內

經參同契諸書無不析疑辨難一歸於正尤邃於易

皇極經世。洪範內篇律呂新書。皆有心得。晚與无咎及善化李文炤。甯鄉張鳴珂。倡正學於湖湘間。文炤尤折服。所著諸書。多寄元復。手定元復書多散佚。乾隆中四庫館。採進樞園管測五卷。皆隨手記錄。門人會集而成。非定本也。國朝學案小識。列元復於待

訪錄。謂晚年功益純。溫和冲淡。渾然不見圭角。後學

無不傾心焉。

无咎字補旃。父鼎。黃年四十。未有子。避地永州。生无咎於浯溪。因小字浯生。

初名檀。字汝旃。所學精湛。內行純篤。自幼即為鼎黃所愛。康熙戊午。改名无咎。字補旃。與元復齊稱。潘宗洛視楚學。評其文。謂王子較大。車子較精。宜與儲大文。襄校幕中。試畢。訪无咎。元復於旅店。鄭重訂交。去

邵陽縣鄉土志

卷二

歷史

耆舊

七

无咎扶母。匱過資江。清溪灘。遭風。挽斷舟。轉側。觸石。將沈。號痛。誓以身殉。須臾風止。舟定。以康熙四十六年貢。著有尚書口義辨類編。承雅堂集等書。

周思仁

字恕三。別署訥庵。雍正十二年拔貢生。今東鄉邵水。向家渡處。有思仁故居。人稱其地曰翰林

衝

祖鎬。父邵生。世以名德重於鄉里。思仁生有異稟。

數月。祖抱近几案。見書卷。凝目注視。若有所思。指字以示。若夙識。然能言。試以詩對。應口即成。鎬深歎異之。郡守徐關寶。嘗召試思仁。詫稱三歲神童。不是過也。十齡。隸縣學籍。十三。食餼。弱冠。膺拔萃。選性至孝。幼喪母。哀毀如成人。事繼母。曲盡孝養。或言及。則泣。

然曰母之慈非子之孝也。邵生官刑曹，不久請養歸。未抵家，母卒。思仁代當大事，不留豪髮遺憾。其父嘗稱思仁天性孝友，非餘子所可及。思仁教人嘗言一部中庸為言孝之書，舍此別無入手處。其待羣從伯父兄弟貧者，計口授糧為之嫁女娶婦，養生送死不以親疏委也。自幼至老，手不釋卷，博覽經傳，子史融會貫通。縣人稱儒，碩自車王外，無逾思仁者。著有四書匯講、詩話類長、楚詞詁、杜詩編年、刪後詩、德馨居詩文集等書。長沙余廷燦名翰林也，主教濂溪書院。

邵陽縣鄉土志

卷二

歷史

耆舊

三

有徵引公刻訶庵遺書啟

有鍾顯理者西鄉永成都人，偕弟顯瑞、顯甲，並從思

仁遊，顯理篤嗜程朱學家，飼鴨百頭，一鴨逸去，羣鴨不食，待之人以為和氣所致。思仁子蓮芳、孫棠策皆郡縣學生，思仁從兄弟子荃，縣學生亦孝子，家故貧，為人廡下春，得米以養孀母，書聲與杵臼聲恆相聞。既友教四方，主者供精膳，必留遺母，學徒甚眾。同里黃則有稱高足弟子，亦孝子也。荃子宗楷諸生。

余鳳舉

字閣干，一字淇園，雍正二年鄉試榜首，東鄉太平里，余田人。

父慕莘，兄鳳起。

皆諸生。鳳舉幼學於父兄，雍正甲辰偕其族弟榮鏗同中湖南鄉試，初闈中已擬甯鄉周掄樞元時典試，為武進清度，晉江陳萬策均名宿。以是年湖南分闈伊始，鄭重舉首，從落卷接得鳳舉，大喜榜揭，公論翕

然武闈榜發第一黑啟旦亦邵人鳳舉仕內閣中書

充王子山東鄉試同考官稱得士病時口中呶唔榮

鎧就省聽之為周禮注疏篤學如是子麟滋歲貢生榮鎧字希聲

受經同縣敬篲舉後授徒於家足跡不出里門一步嘗一歲子姪籍縣學者三知縣旌其門曰三鳳聯鑣

魏都字展成號恕齋乾隆戊午舉人祖大琇父正省均諸

生大琇性方嚴卒年九十七正省治家內外斬斬事

所後與本生父母無閒都初官武緣知縣俗僻陋田

產率無質劑多爭訟都至盡與剖決難決者單騎勘

明民德之任滿當遷自請改就教職歷祁陽教諭漢

邵陽縣鄉土志

卷二

歷史

耆舊

三

陽教授以老乞歸卒年九十一都好學垂老猶手書

諸經一遍又楷寫先正格言示孫曾謁選居京師時

倡建寶慶會館子達銜諸生少逸羣三十後以禮自束都官歸常閉目靜坐達銜已七十

俯首侍立不敢高聲出一語居鄉能讓後家替不索舊逋孫之綱居母喪廬墓期年事繼母孝嘗析產

之半與弟之范嘉慶初舉孝廉方正尋以拔貢充正

白旗教習父憂歸毀卒之范貢生亦舉孝廉方正

達銜從兄弟金府學生性純摯遇人無疾言遽色有借貸者常不忍拂或轉借於人以舒之其人索之急

簡昌璘字越石乾隆丁丑進士鄉賢為童子時即有文

譽初以明經榜官藍山教諭成進士後歷官主事員

外郎郎中。旋充廣東鄉試主考官。順天鄉試同考官。金川用兵。以直隸州四川用。抵蜀委司糧站。直抵沃日美諾小金川巢穴。事皆辦。歷署達州蓬州合江蓬溪諸州縣。在蓬溪久。善政尤多。值軍務殷。大榜其廳事。曰。勞民力以營私。明鑑難逃。天不容也。藉軍需而罔利。良心安在。神其殛之。蓬人相與傳述感涕。金川平後。調署貴陽府長寨同知。以積勞成疾。乞歸。久之卒。昌璘有至性。與弟昌理友愛尤篤。居官有風節。在吏部時。坐正色力與侍郎爭。某翰林侍講題稿降職。邵陽縣鄉土志

卷二

歷史

耆舊

古

人尤稱之。

蔣舒惠

字東里。嘉慶戊辰進士。南鄉尚賢里大年裔孫。

性愿慤。讀書有夙悟。初

嘉慶庚申。舉鄉試第一。既成進士。授浙江義烏知縣。始至。疏於酬應。監司或不喜。巡撫阮元曰。此悃悃材。當玉成之。至官。屏去儻從。細務必親。日坐堂皇。與闈吏偪處。有富商篋金。啗之。卻弗受。舒惠外樸訥。若無能。遇事明審。義烏稅重。爲減額外諸費。條第戶籍。張鼓樓。令民得自占納。重徵弊絕。胡商某攜貨歸。夜被殺於道。屍不得偵。其里有以是夜葬者。發驗非是。令

移棺去更掘之遂得屍民或毒母死以誣弟婦舒惠
得其情鞫不服令詣城隍神自矢歸再訊夜闌佯假
寐忽一一疏其狀謂見其母來訴民懼輸實在義烏
數年縣大治尋調繁鄞縣以父憂歸士民流涕送之
舒惠待人平等初問慎獄方於鄉人黃友召時黃令
錢塘首縣為授以法律且告刑件某諳練可問舒惠
延件賓坐就問檢驗諸法黃至見之叱件將責其無
狀為請免黃改容謝曰君誠恟悞無華其必以實心
實政為一代循良無疑服闋得歸安未抵任卒著有柳庵文集
從政臆說

甯習

字時齋乾隆乙酉舉人
中鄉里甯道可後

父睿性嚴毅譏愨視兄子與

邵陽縣鄉土志

卷二

歷史

耆舊

五

己子無異喜周人急習少與從兄德懷齊名德懷性
冷峭習性倜儻不羈弱冠皆通諸經擅文譽周思仁
嘗稱德懷文得歐之神習文得蘇之氣習鄉舉後一
試春闈不復出辛丑大挑授順天文安知縣調正定
遷蔚州以勞卒官習慷慨有大志官文安地僻民馴
良因俗為治以循吏稱正定九省通衢繁劇最習能
暇坐堂皇日可決數十事案無畱滯亦無冤民絕請
託裁冗費積弊一清當純廟西巡供億咄嗟立辦
不病民亦無失事上下並稱其賢終於一牧時論惋

惜。德懷字瑾庵庚午副榜教諭永順未一載即歸。後十年而習卒德懷痛之甚理其身後甚至。習有叔祖父良瑛字荆山從學周邵生嘗復邵生書有自以爲是豈是是能自知非便非非語邵生喜以進於道稱之性至孝母老失明百端祈禱與人言輒流泣自責己母目復明與兄良瑛相處善析箸時瑛謂產宜兄弟平分瑛以瑛子數多特提田租歲入千四百石益諸姪雍正辛亥歲荒嘗出私粟三千餘擔振饑黎人或稱之則掩耳不欲聞急亂以他詞。

嚴安儒字楚醕乾隆己卯舉初官江南睢甯知縣地濱

黃河又近北多蝗修捕功最調江西萬安萬安驛道衝難漕務冗雜安儒鎮以廉靜民不擾諸弊悉除以迴避改樂安所至捐廉買學田爲士子科場費聲望

邵陽縣鄉土志 卷二 歷史 耆舊 六

甚隆嘗五分校鄉試得名宿多吳縣吳浚其尤著者

所作蓬船憶草浚有序安儒曾祖慶鏃以正人名鄉里嘗禱雨有驗嘖嘖人口

安儒同時甘棠里姚敬畏字有三號龍坡廩生喜藏書披讀務獲精義性豪儁貧不能赴舉者輒資之行歲戊子武岡劉文徽考遺才未錄窘甚將束裝歸敬畏爲輾轉資令入闈文徽遂於是科中試成進士後官河南招敬畏赴署將入貲爲郎固辭未幾卒文徽遣姪護其櫬歸邵姚族故巨敬畏與宗人約以宗長董房長房長董家長因錄服制及士庶易犯律例附以家法會規名曰家綱錄付梓以善其族

唐方耀字德暉號春墅乾隆乙卯鄉試副榜城人父可

雋有文名拔貢官教諭方耀以嘉慶己未教習歷權

湖北宜都廣濟竹山知縣皆有聲竹山經匪蹂躪積

案纍纍方耀計日引結期年決千四百餘事均無枉
縱邑觀音塢有叢祠二居民祈賽煽惑方耀巡行過
亟毀之未幾母憂歸服闋署咸豐咸豐遠在楚西故
隸土司距武昌二千餘里雍正初始設流官邑小而
瘠人皆憚往方耀毅然攜一子兩僕行至則訪得里
魁某糾結匪黨勢將爲亂民日數驚不動聲色一日
夜馳百八十里擒獲數十人治其首餘不問邑賴以
安大吏才之俾攝恩施利川二縣一歲佩三印無廢
事久之除遠安首建書院勸民治堤堰引沮水灌田
年考證二十卷子啟燮

邵陽縣鄉土志

卷二

歷史

耆舊

七

又勸儲社穀建普濟堂期年稱治方耀廉介有守服
官二十年不名一錢公餘不廢吟纂有梅花書屋詩
稿十六卷文集八卷四書集注考證十六卷竹書紀
年考證二十卷子啟燮

歐陽道瀛

字神洲乾隆戊午舉人隆回都小官田歐陽氏

性敏達通曉時事廉

介有守初署雲南馬龍州民餽豆麥卻不受獐夷與
民訟得直餽千金譴而歸之補恩安縣有土豪恃險
侵虐遠近單騎詣其處諭以禍福豪感悟終其任不
爲暴卒官民多立祠以祀

歐陽雋字鍾廬嘉慶壬戌進士道瀛族人曾祖銑母病求醫他出未與

屬續號搶落齒終身不近音樂又立義學教族子弟

父濠以繼母嗜魚日釣泌溪供膳雋兄弟第六長俛課

弟嚴雋成進士俛舉鄉試佶充選拔億倣諸生皆俛

力雋官廣西羅城知縣羅多積案日決十數事不久

一空縣地僻民貧有錫礦前吏懼姦盜不敢開雋區

畫聽民自採民利賴之雋篤孝友僕官醴陵教諭憂

歸析居已久念其窮老仍合爨園有碧桃忽異幹連

枝人以為瑞應深於易慕同邑王元復車无咎之學

邵陽縣鄉土志 卷二 歷史 耆舊 六

為刊元復榴園集行世自著有春華集地理經世說

俛官四川邛縣邛地隘俗疲吏胥以畱獄為利俛微

服訪之摘發十不爽一逾月獄清暇即招秀良講學

論文如師弟子大江經縣北其遶邛者為沱江近沱

屢豐遠者常苦旱令民穿渠引水為斗門啟閉溉百

餘里邛遂化瘠為沃會蜀有回警大軍西剿頗多不

戢大吏檄俛攝劍州至則恤其長以利害均其餽饌

兵弁皆聽命惟謹事竣回邛任旋乞病歸著有憩耕

堂文稿 佶官慈利教諭著有棣棠詩集 億常遇

惡少觸墮馬諸子不平曰我頭眩與某無與也閱五

日某以殺人聞年八十七卒著有祝篁堂詩集 倣

譚仁懷號霽園諸生北鄉隆回都人性端毅嘖笑不苟教授里中俊

彥多出其門子驤官黔省迎未去降服子夢騫原名

令江西湖口一就其養閱載歸仍以授徒爲業布衣
徒步蕭然高寄卒年八十歲驤字海門嘉慶己丑進
士由吏部文選司主事知貴州威甯州告歸無百金
之資主講濂溪書院士多所成就著有海門文集夢
騫知大庾縣時值歲歉便宜發振榜其門曰民不十
分困窮休沾此惠官有一毫苟且立降之災庾近廣
東河干多盜設巡船鉦火相望獨不入大庾境

曾榮銓

字燦甫號南亭乾隆庚辰鄉
舉東鄉太平二都荷葉塘人

父載迢諸生少就

外傳遇眼瞶心悸急歸歸則母必有疾早喪妻念妻

邵陽縣鄉土志

卷二

歷史

耆舊

九

至孝不復娶榮銓初官湘鄉教諭襄陽教授旋令河
南陽武有政聲榮銓學有本末不慕榮利未冠聞湘
潭李觀是之賢攜其弟負笈五百里外從之遊於漢
宋學悉其要奧去官後有句云解組方知今日樂讀
書不受古人愚著鼓吹軒詩文集從兄榮鈺喜治程

朱學不事生產

榮銓子澣榮鈺子澣
均舉人澣衡陽教諭

魏源

字默深道光甲辰進士內
閣中書隆回金灘村人

父邦魯慷慨好讀書嘉

慶初官江蘇巡檢事便民輒爲之嘗管蘇州錢局毫
無染前後藩司林則徐賀長齡梁章鉅巡撫陶澍禮

貌之不以小吏遇。精星數地理學。調寶山主簿。嘗步行塘上。歎爲絕地。臨終誠源。幸勿家居此。吾夜望城中。皆死氣。後十年果有英吉利變。源貌英偉。寡言博學。當時稱最爲文。縱恣奇奧。別成一家。年十九中選拔科。道光壬午舉順天鄉試第二。宣宗手批嘉賞。其卷旋成進士。源先已入貲爲內閣中書。改知州。分發江蘇。署東台興化縣事。值大水。河督將啟閘。源爭不得。赴總督署。擊鼓陳訴。總督陸建瀛是其言。乃止。七州縣民皆德之。署海州運同。獲私販鹽者二百餘。

邵陽縣鄉土志

卷二

歷史

耆舊

于

人鹽十餘萬。戽盡輸官。補高郵州。坐法免。副都御史袁甲三上前治鹽功。復其官。源性篤學。每沈思。或不識家人。解經多特見。家居江蘇。務求爲有用學。自邊塞海防。及島族情僞。無不洞悉。窾要論河務。謂宜改復故道。咸豐五年。河決銅瓦廂。果北流。由大清河入海。如源言。明年卒。所著有聖武記。海國圖志。淮南鹽法。輕本敵私議。明代兵食錄。曾子章句。易象微書。古微詩。古微公羊春秋。微大戴記。微清夜齋史集。春秋繁露注。兩漢經師今古文攷。古微堂初稿。二稿。三稿。

古微堂詩選

皇朝經世文編及論文學選各若干

卷祀鄉賢祠

源再從兄弟顯達字傑南號筠谷先源

子書於諸史通志通考靡不覽誦父邦修性淡退寄興詩酒顯達性樸質能強記詩發抒性情五言尤淡遠有致新化鄧顯鶴推重焉著有筠谷未定草

劉守坤

字厚子道光丙午進士北鄉隆回四都田心人

用山西知縣不赴改辰

州教諭訓戒後生恂恂如長者在任二十年率妻孥

躬節儉中饋不假僕媪州人士化之年老乞歸課子

孫手不釋卷子榮幹中鄉舉性端重處事詳審有遠

識郡守魁聯朱孫詒等相繼治團練保甲隆回距郡

邵陽縣鄉土志

卷二

歷史

耆舊

三

遠徭崗遼邃獨倚榮幹因勢利導所規畫輒中機宜

終安福教諭兼主道水書院講席諸生翕然附之

孫華

鄂同治癸酉副榜

石獻琛

字寶庭道光乙酉舉人東鄉三溪一都田蕩石氏

父用沼諸生家素豐

喜周恤貧乏琛襁褓失怙體母志攻苦力學遂於易

著有致遠齋文集四卷竹林詩集二卷捐白馬鋪莊

田租入育嬰局

從弟獻鈺歲貢經學洽熟從遊甚盛母沒年已老矣號仆折齒弟鏞亦歲

貢鈺教之成老猶摯愛鈺從子琢之舉人為文沈奧不治生產官郴州學正卒於官石姓有名多善名

國敞者府志載於善行多善字汝璧少服賈養親長積餘貲施濟不吝嘗捐田為濂溪諸生膏火又修理

學宮國做字尚文長隨父遠買延師課弟粲為諸生捐修文昌及魁星閣郡守鄭之僑嘉其慕義

楊太灝

字蕙軒與石獻琛同舉鄉榜富陽二都畱里衝人

曾祖登鳳嘗焚百金

券益以重金與負債者祖國珂慷慨有父風父朝傑

事母能先意承志侍兄朝佐病唯謹佐諸生既沒觸

其手澤輒流涕太灝工古文詞蒼老奇秀道光末襄

修郡志新化鄧顯鶴推為畏友授徒深惡俗學剽竊

知縣周玉衡循吏也榜其門曰人倫冠冕晚官長沙

教諭卒於官

梅塘都巒山賀可受嘉慶癸酉舉人試禮部報罷即不往或勸以仕笑謝之終

老於家著經傳集說詒厥堂文稿若干卷太灝同時富陽都唐傳中謝錫璜均老儒均貢生傳中先世

邵陽縣鄉土志

卷二

歷史

耆舊

三

代列庠序藏書甚富傳中五薦秋闈友教四十餘年

朔望必肅衣冠拜先聖晚年貧甚杜門卻軌卒年八

十六錫璜粹厲學問性廉儉服物敝門人更之卻弗受嘗謂讀聖賢書當擇一二語終身矢之斯為不負

卒年八十二

何濬年

字淑川咸豐辛亥鄉舉西平一都嚴塘人

祖居尊凶年平糶振貧父

炳煌諸生有族子不克娶為出數十金資之著古今

體詩二卷濬年初名澤洪鄉舉第一官善化教諭性

狷潔嘗誡子姪曰我輩終日噉飯已為過分汝曹宜

體此意有枕雲樓集暨雜文一卷兄樹年以拔貢官

四川知縣或言懋功松潘礦可開樹年奉檄勘上書

萬餘言。力止之。事得已。署郟縣。因事杖豪某族人。豪恃勢忿詆。引後堂徐詰問。豪斂退。性峻介。親友僮僕無敢及私。著有山外山房詩文各一卷。

曾開灼。道光歲貢。東鄉太平一都青玉寺人。父子述。諸生善事繼母。弟出

後叔父與均分父產。甥某畜於家。為娶婦。厚資以歸。有婢既嫁無嗣。為出金置妾。訓開灼為聖賢學。從一真字做起。開灼自幼讀書。衣冠言動。悉衷禮法。嘗語諸子。昔承庭訓。坐立無違。初苦拘。後漸安適。今老矣。覺此身無日。不如在教督中。父沒。一器之微。數十年

邵陽縣鄉土志 卷二 歷史 耆舊 三

不易其處。母早卒。月臘必往謁外大父母。籌其歲事。代諸從父償宿負甚多。有構衅者。嘗出重貲寢之。為

學好窮理蘊。纂有四書性理匯解。旁及河洛水道井

田律呂。蒼萃諸家。芟其繁駁。又有惜陰別墅詩鈔。宗孫

篤。同治甲子科舉人。曾孫延里。同治丁卯科進士。廣西百色廳同知。陳良謙。亦道光歲貢。性篤孝。母沒。毀甚。事伯兄恭。生平德器渾然。學宗宋儒。編有春秋讀本。

曾宗達。號儀齋。道光舉人。太平二都燕子塘人。父恂。侍親疾。調護備至。獨

秉家政三十年。無閒言。達早失怙恃。事繼母以孝聞。官茶陵學正十年。門下入詞館者踵起。達負氣尚名。

義縣令林聯桂卒於官。貧不能歸喪，斂錢飲之。留京時，同縣孫之範病危，獨左右湯藥，既沒，為經紀喪葬。道光末，賽尙阿視師南來，上兵事萬餘言，有條理，不用。著有培桂齋集、課兒詩草。子壽麟，亦舉人，官浙江山陰等處知縣。有曾宗遴者，諸生，潛心經史，善為文，闡薦元，不售。早喪母，事父孝，待異母弟尤厚，未壯失偶，不復娶，固辭舉孝廉。方正有蕉綠窗集。

李仲芳

字松友，道光己亥舉人，城東白馬田人。

父恩拔，拔貢生，性忼爽，能

濟人緩急，善屬文，工醫，有聽曉鐘齋集、邵陵諸老言

行錄、增訂醫門普渡若干卷。仲芳學瓌博，魁聯守寶

邵陽縣鄉土志

卷二

歷史

耆舊

十四

慶修武備，興文教。仲芳多所贊襄，知縣周玉衡創修

愛蓮池義學，既成，仲芳實首主講，嘗襄修郡志，久客

武岡新甯，甚悉資邵，聞掌故。

恩拔叔父曰洪綱者，初其父母攜其仲兄及兩

弟赴蜀，洪綱每泣曰：有親不能養，使久客他鄉，尚得為人子乎？與伯兄洪道迎歸奉養，恩拔未冠，失怙恃，

為謀脩脯，擇經師教成之。

張家鈺

字堅夫，咸豐壬子進士，北鄉新甯都坂衝人。

性沈毅，尤自刻苦，赴郡

縣試，徒步擔簦，官內閣中書時，襆被入直，不假僮僕。

告歸，曾國藩總督兩江，使家鈺司糧臺，敘勞，得員外

郎，還鄉，值寇亂，家多藏祕書，珍愛甚，燬於兵，佗僚而

卒家鉅負過人資濟以兼人力博聞強識教生徒課嚴務植品奉許魯齋治生一言爲要旨著有勉耘樓

文鈔家鉅同時鄒高拔性狷潔力學年四十不售有姪先舉幼貧視如己出攜之學凡十五年先舉

試童子第一高拔喜繼以哭時閣筆不試十二年也晚自編所著詩文稿六卷家鉅門士賀茂南廩生

性豪宕爲文奇異軍興治團練骯髒負氣中歲強折抑自號覺非子方築館山巔欲纂述未幾卒茂南嘗

作黑土記示賀澤春澤春答以朱石記澤春貢生性孝工小賦

黃炳崑字柳潭原名達道道光丁酉拔貢北鄉新甯甯上一都九頭巖人大同總兵旦虎之裔考取

正白旗教習以文學名京師行取知縣以母老歸襄

修府志咸豐初郡守魁聯委辦團防新甯江忠烈公

邵陽縣鄉土志 卷二 歷史 耆舊 三

忠源同貢友也方領湖北軍聘參帷幕未赴旋卒著

有柳潭詩鈔四卷炳崑之先東鄉白嶺寨處姜義達拔貢生官桂陽教諭十七年著有

經義纂詁炳崑之後東鄉沙子塘甯可大字菊庵亦拔貢生通說文工篆隸尤善琴得古琴一常置左右

或鼓之或摩挲以爲樂有所怒見琴輒解著有漁山山館印譜一卷琴譜一卷

唐鳳舉字梧桐同治鄉試副榜南鄉尚賢都郵家坪人性端介謹嚴制行一軌

於正士無賢不肖皆感服年六十二秋闈已前中因

小累抑副車當親在時授徒館距家里許日必歸理

牀蓐親沒廬墓數月其學熟於羣經羣史先儒語錄

病劇猶正襟危坐門人請節勞曰我振作慣居敬固

可攝精神耳。嘗主講愛蓮義學。所示諸生規約。久而人遵佩之。

楊修職

字亦廬。同治甲子舉人。東鄉安上都水井頭人。

質頗魯。能刻苦讀書。作

文澄思渺慮。久從新化鄧顯鶴遊。學大進。鄉舉後。無

心仕宦。歷主濂溪及新甯文昌書院講席。課士嚴且

勤。諸生翕然奮興。生平內行肫篤。交友誠於規勸。性

剛鯁。遇非義。輒觥觥嶽嶽。不肯一毫假借。沒時。劉武

慎長佑。哀以聯云。經師人師。遽成定論。直友諒友。重

晤何年。時以為允。祀濂溪書院十二先生祠。

與修職同舉者。

邵陽縣鄉土志

卷二

歷史

耆舊

三

有卿梅岑陳嘉訓梅岑敦樸簡易家甚貧專壹教授人不敢以外事聞時推古君子嘉訓生有異稟其父課之嚴盛有文名以應禮部試卒於京邸

王承澤

字潤生咸豐戊午鄉舉城東隅曹婆井人

祖鍾武生慷慨多義舉父

曜章敦樸尚信義能毀家濟公難承澤自少即倜儻

有志節天性孝友喜結納豪俊篤於風義既獲鄉舉

值己未歲粵逆石達開自江西犯寶慶承澤先以知

縣周玉衡延董團練局知府邵綬名受篆圍城中復

壹意委以軍事承澤知兵善埶循聯鄉勇為十六團

閒出奇斷賊抄掠五月達開與其黨賴裕興鎖圍郡

城內外文問不通。六月，食垂盡。承澤募善泅者，密書藏罅，告援軍布政使銜劉長佑，約先攻北岸。城中兵夾擊，可得志。會湖北荆宜施道李續宜統援兵至，循長佑所結浮橋，渡資水北，燬賊壘。承澤與總兵田興恕由北門渡資，直前，連日兵勇奮搏，賊遂大敗。達開宵遁。是役被圍久，城幸無恙。承澤堵守之力為多。餘詳前兵事。未幾，長佑巡撫廣西，奏調赴粵。同治壬戌，劉坤一剿貴縣驍賊黃鼎鳳，破鼎砦龍巖，復貴縣城，進攻覃塘，擄平天砦，鼎鳳伏法。潯州軍事肅清。

邵陽縣鄉土志

卷二

歷史

耆舊

七

先是承澤以城守功，保知州，加知府銜。至是道員用，加按察使銜。歲辛未，坤一巡撫江西，奏以承澤統全省陸軍，逾二歲，乞歸。卒年四十八。承澤膽識兼優，長佑奏其才堪濟變，覽天下多故，慨然有拯世志。中道摧折，未竟其用。祀本籍及廣西省城昭忠祠。咸豐九年己未石逆之變，率團勇與賊戰，死者蔣舒煌，率子民成並死。畱旗坪武生陳掄元死於井口橋，被賊執，不屈死。者有諸生鄭景濂、劉艾濬、黎之望，領團練禦賊者。訓導伍嶽靈迎擊卸甲坡，諸生黃宅晏迎擊石門司。諸生高舉截擊小溪寺，舉人唐廷齡監生唐慶羣截擊石馬江煙塘，衝又諸生盧仁和，屢殺掠賊，奪賊騎。一日追賊馬家石山，弟萬條從子東藩死之。當賊圍郡，聞有不逞，嘯聚肆劫，掠楊修職及趙壽昌，何登岸糾

團誅其魁黨遂破散其毀家募勇殺賊者訓導姚熙庸何澍棠監生王楚藩趙福棟唐世綬熙庸屢擒賊謀趙煥聯周寬世與逆黨戰渡頭橋以其勇爲先鋒熙庸供鹽糧薪蔬極勞瘁澍棠防釀溪漁溪間勇目曾毓奎戰死寒盤坳楚藩追殺小股賊賊憾之火其廬福棟勇堵鄉家巷賊來撲子鵬齧負重創從子新旭新昭與尹榮奎並死世綬遮殺掠賊賊游騎稍斂又秦紹川家高霞山麓吳有祿竄四明山導官軍擒之本年圍解賊遁沿途肆掠復督團練殺其酋餘詳縣近志不悉列

魏瀛字柳南優廩生隆回一都金灘村人初爲知府某記室威毅伯曾國

荃擊賊江右招致幕中由教諭擢知縣嘗司吳城釐局吏民不撓試上高縣地僻務簡捐俸修孔子廟暇集諸生月校藝廩賚有差代還日縣人香花遮道送

邵陽縣鄉土志 卷二 歷史 耆舊 三

時軍棘食乏督師者令瀛理糧儲所至芻輓相屬於道金陵凱奏擢知府授建昌府逾年調贛州府長於綜覈便民事知無不爲百端千緒恆如宿辦在官葺祠宇濬溝渠纂郡志立義學增書院薪資建牛痘保安育嬰諸局均自有記嘗書忠信篤敬四字縣廳事自勵郡民有謀不軌者偵知急擒治數人餘不問全活無數鮑超克嘉應州申敘瀛嘗監轉運勞以道員用復輸助黔餉賞三品銜素精密細務皆親決緣是得勞疾卒官所年五十瀛性清儉嘗出俸金千兩

爲邑童子初隸學籍資士類德之

周榮耀

字光庭世居城內汲泉保沙井頭

諡節愍嘗隨征趙金隴以功

授錦田千總平雷再浩功最遷嶺東守備粵寇起數來犯擊之走咸豐元年追賊廣甯幾殲之提督恐亡榮耀急召還二年攻復江華城三年賊再犯江華帥二百餘人擊破之賊解圍去榮耀度賊且襲嶺東則馳歸伏隘邀之獲賊酋四年署江華遊擊賊分犯嶺東濤墟嶺東尤急乃張疑兵於濤墟而自將擊嶺東戒礮者以瓦覆引門虛然火藥賊驟進啟瓦熱礮遂

邵陽縣鄉土志

卷二

歷史

耆舊

元

大破賊又解江華圍擊走甯遠賊再救道州破賊廣西栗山砦等處遷參將賞花翎五年春賊復攻永明擊走之四月進攻東安復其城俘斬最多晉副將八月敗賊道州賊走全州追擊破之及興安又破之是時永明被圍急知縣請救榮耀乃引兵還救兵不滿千又久戰疲賊眾數倍圍之數重榮耀中石額傷遂不得出擊賊城陷戰死詔賜諡贈卹如例祀昭忠

祠

部將羅承襲弟承莒從弟大盛先後並戰死並昭忠祠從祀

彭玉貴

名迪發以字行東鄉富陽一都薛家衝人

以軍功授都司

其家云曾任永州鎮

遊擊月餘游保某銜俟考咸豐二年充永州勇目知府黃文琛知

其樸勇使與羅洪進各將五百人防剿甯江祁道聞

功皆最洪進縣西鄉和尚橋人賊圍永明玉貴救之與數十人

陷賊陣賊敗解圍去蔣益澧援廣西請與俱益澧以

名將聞於時後仕廣東巡撫諡果敏者也偕克靈川

復興安再復平樂修仁七年調征永安州賊勢蹙玉

貴逼城而營賊悉銳來攻玉貴擊敗之賊空城走玉

貴急追騎不相屬賊伏草間焚礮中玉貴脅左右洞

穿墜馬死年三十有三右隊羅洪進奪屍還全營白

邵陽縣鄉土志

卷二

歷史

耆舊

三

旗桂護送至其家玉貴死當路未以聞黃文琛欲上

其事會去官不果文琛厥後因事至邵猶召見其子

卹之不置同時有章奪錦者武生累保參將加副將銜初隸協標為馬兵道光閒屢從征有功

咸豐四年粵逆竄湖北隨本營中軍普承堯馳攻新

牆城陵磯擂鼓台高橋鋪羊樓崗數踏賊營復崇陽

蒲圻咸甯連克武昌漢陽興國黃梅廣濟府州縣會

攻九江賊還竄湖北陷所屬明年馳克通城再復崇

陽蒲圻六年圍攻武昌轉江西由瀏陽歷萬載新昌

上高接剿疊勝七年攻瑞州擊破援賊明年復宜黃

郭鵬程

字南臺東鄉梅塘都田溪衝人

始應羅忠節澤南募為練勇澤

南軍多湘鄉人遇食取釜煮菜湘人怒傾而奪之鵬

程夷然澤南旁睨陰重之稍稍拔用澤南軍江皖間
鵬程每戰必當礮石多處咸豐九年隨李續宜援寶
慶率精騎決賊圍明年擊走太湖賊復其城又復潛
山孝感德安同治元年隨曾國荃擊徽賊拔無爲州
進克漕鎮復巢縣含和奪西梁山玉溪口諸隘渡江
攻太平蕪湖後路皆破之又破賊於薛鎮遂抵江甯
是時金陵久不下江蘇浙江賊盡來援國荃日與決
戰鵬程嘗斬將陷堅二年克雨花臺奪印子山進拔
七甕橋營之明年國荃爲地道攻城不克六月令將
邵陽縣鄉士志

卷二

歷史

耆舊

三

士填濠進賊礮雷發眾稍卻鵬程手大纛呼而前遂
渡濠將附城鵬程中礮死城亦遂破初鵬程由卒伍
積功至總兵及死詔卹如提督賜祭葬世襲輕車
都尉鵬程性忼爽明大義嘗獨力修建宗祠以千金
捐入省垣邵陽試館卒年三十五

李臣典

字祥雲北路新甯五都人葬白雲山麓乾橋衝

諡忠壯一等子爵少貧

爲人傭咸豐初鄉黨多從軍者要與俱臣典曰彼皆
以將爲賈何足與立功名會曾國荃募兵喜往從之
會攻江西吉安府賊挑戰臣典突起刺其酋賊不敢

出國荃奇之命將五百人自此克景德鎮克浮梁國
荃攻安慶賊逆拒小池駙臣典聞至賊壁後縱火國
荃縱擊之賊潰遂抵安徽會城未幾賊眾數十萬來
援相拒數月大小數十戰每戰臣典必先出當陣堅
處國荃嘗以比之忠武公塔齊布安慶既克進攻江
甯同治元年奪秣陵關軍雨花臺洪秀全懼盡召蘇
杭賊還救號稱六十萬連營圍國荃數重諸將皆恐
欲潰圍還安慶臣典嘗侍左右國荃顧曰今事甚迫
若獨不畏乎臣典曰所以舍諸將從君侯者固欲出
奇決勝成不世功也苟畏何肯來國荃曰壯士功名
與君共之乃令臣典夜火賊營大破之援賊皆遁當
是時城賊尙眾李秀成善鬪聞數日輒出斫官軍營
臣典與諸將先後決戰身被數十創國荃督將士攻
城晝夜不息諸將或竊睡臣典日盡赤創血淋漓終
不休三年六月由龍膊子處掘地道穴城賊夜出襲
營腰中礮不爲動次日城崩首入扼太平門手刃猶
過當創增劇越數日卒國荃大慟先是 廷賞江甯
功授臣典提督賞黃馬褂一等子爵至是復賜諡賜

祭葬吉安安慶江甯皆勅建祠追贈太子少保舊作太保

誤臣典年僅二十有七立從子長祿承襲

曾紀鶚字雲陔城人先世居新甯都大曾灘少失怙隨其兄紀鳳擊賊川

粵有功洊授游擊同治辛未紀鳳奉調赴黔巡撫曾

璧光一見紀鶚曰此儒將也以八寨解圍功更由縣

丞保知縣進克麻哈清平等城攻破撒毛銅鼓

擺仰諸寨拔香爐山覆其巢擒首酋楊阿馬苗疆肅

清以知府用癸酉丹江降苗復叛紀鶚率數百人馳

赴凱里開懷會各軍撲滅之加三品銜以疾旋里甲

邵陽縣鄉土志 卷二 歷史 耆舊 三

戍卒當咸豐末石達開犯川疆紀鳳復高縣克橫江

雙龍橋等巢又馳剿猓猓立解琪縣圍癸亥移防川

北劍閣陰平道等處甲子會大軍克復陝西漢中府

皆紀鶚功多紀鶚粗讀書曉暢戎機遇士卒有恩轉

戰未嘗挫折內行肫摯奉母色笑依依事兄謹遇人

窮困輒傾囊助年三十四卒贈太常寺卿蔭一子入

監讀書張敬申諸生沉密善書畱心時事咸豐末某統軍聘參帷幄旋從戎浙江保知縣假歸省

親從其友曾紀鳳剿廣東翁源賊擢同知偕赴貴州紀鳳會諸將肅清黔境敬申多所贊襄擢知府黔中

大吏知其才委署麻哈州檄甫至而敬申以疾卒於軍年三十八又有李希治周秉圭者希治為周榮

耀錫楚撫檄榮耀剿賊能捐貲爲具器械榮耀殉難
永明星馳覓其屍歸葬厚卹其子咸豐九年石達開
犯郡城希治領勇運近郊粟甫出城卽合圍屯於雀
塘遇賊礮擊之斃十數人念老母居圍城隱痛成疾
旋隨李續宜自北路入城守西門疾加劇兼中厲卒
周秉圭當咸豐戊午歲知縣周玉衡檄掘蝻子輒輸
重貲九年己未之役與里人黃精藻募勇堵隘昕夕
巡防同治改元大吏徵辦征皖楚軍糧務局設河南
固始縣潔己勤事餉裕而民
不擾固人德之累保知府

梁作楫

字湘帆廩生東鄉三溪六都東平里人

祖登位寒素起家嘗助修

東平橋代貧戶完餉父朝陞減糶卹貧作楫骯髒多
奇氣咸豐初胡林翼撫湖北延參幃幄領師克湖口
八年隨李續賓克九江九年石達開圍寶慶城旦夕

邵陽縣鄉土志

卷二

歷史

耆舊

三

下林翼命隨李續宜馳援既至膺先鋒進逼賊壘拔
之北門以啟十年隨續宜克潛山太湖林翼以麻城
界皖豫交命益師駐守方修城浚濠屯糧賊遽至時
兵寡夜盛燈疑賊賊驚遁追躡之大敗其眾自是不
敢上窺武昌同治元年解南陽圍二年守陝西興安
尋轉湖北鄖陽解鄖西圍復上津堡擢道員以抗誅
亂卒忤忠親王僧格林沁歸作楫善拊循恩威並濟
間亦出奇制勝既歸飲酒讀書意殊適然同里黃精藻諸生亦
有幹畧胡林翼聞其能招之委以軍事旋以親老告歸精藻保直隸知州

後錄

道光府志紀者舊別出忠義孝友儒宿文學善行任俠才傑隱逸八者光緒縣志於人物以政學勲績懿行列女賅之茲不分門已列於上餘則循縣志原文就國朝懿行諸人言擇其有事實者為之編綴不復詳及里居名曰後錄非意有去取軒輊也女士附後

吳伯鏞諸生幼讀孝經曰為子不當爾耶稍長供事益

謹居喪絕酒肉三載生平全人骨肉贖子女甚多貧

邵陽縣鄉土志

卷二

歷史

耆舊

三

無依者收養之甚或竊財以逃置不問嘗語家人曰

彼自負恩我實不忍豈容鑒此而不為善

楊舟諸生授徒近鄰晨昏必歸省母母陳性嚴峻不憚

輒竟日臥舟引咎自責跪榻下奉盤盂以進必俟母

食乃起無子以兄四秀次子暉吉為嗣

暉吉自舟夫婦沒仍依本

生母陳喪偶母命續昏泣辭曰噴室之弊強半衅由後婦恐轉貽母慮卒不娶自少因貧業賈艱苦勤瘁

鮮適意而日潔菽水唯恐失歡延師課二子有成倡修家譜賜恤族黨時咸重其內行之篤

周雄盛家百餘口同爨未嘗聞詬誶聲嘗謂昆季輯諧

閒言不至陽城不娶亦賢者之過不足法也乾隆戊

戊饑施穀無算。

劉達陽幼爲人牧。日止鄰塾聽講說。塾師叩所聞。了然曰。承宮之流也。語主人資之學。里某後延教其子。遺以帳與絮。不受。旣而偵知其母。固無之也。食餼後。仍授徒自給。館距家里許。每雞鳴趨候母安。乃課諸弟子。業雖雨雪無閒。他行誼甚著。門人立主祀之。

甯世玠。衛千總銜。有弟多病。將護之甚周。嘗客武岡。聞弟病篤。夜馳歸。馬逸。誤入河。旣乃躍起。登岍。得不死。人以爲誠感。弟死。以其子後之。

邵陽縣鄉土志

卷二

歷史

耆舊

美

鄭應周。弟無賴。盡蕩其產。爲乞丐。應周分與之。踰時復盡。更從諸丐遊。如是再三。應周乃陰置錢穀於鄰里家。時時周之。終其身。

蕭良昌。少貧。有兄客滇中。久無耗。後家稍起。裹糧往覓。久之不得。貲將盡。日夜涕泣。目盡腫。一日曉出。迷失道。見汲者。就問。則兄子也。因共詣兄。迎歸。同居終老。具詳 國朝先正事畧卷六十。與吳紹先同傳。有賀天武

者兄弟三人。伯兄遊蜀。會母生日。上壽。母愀然思伯。天武卽往迎歸。分產與之。

梁興緝。舉人。學淹貫。會試在京邸。聞父疾。迅歸。值久雨。

泥甚車行遲舍車徒步日百餘里至家父已殮哀痛自投於池家人救之得不死

曾子珪幼孤以傭養母每朝出儲錢數十備母日用母

少不安子珪即不出晚歸望見舍即遙呼母每歸必

市餅餌或蔬果奉母子珪雖傭母忘其貧有胡君實者兄業儒

君實力傭養母母怒嫂欲嫁之君實哭陳母感悟晚年糾鄉黨成孝義會人多從焉又王孝子養於尹

氏不知其名貧且瘠夜寒抱父足溫之稍長為人傭得錢輒市甘旨奉父里人皆稱尹孝子孝子多力擔

荷倍他傭人爭僱之父得溫飽以終今案孝子本

歐陽齊幼喪母繼母暴遇齊無恩齊終無言母又虐其

邵陽縣鄉土志 卷二 歷史 耆舊 三

婦至加燒烙婦亦順受久之母亦悔遂為慈母李添命家

貧樵採自活事繼母如所生雍正十二年觀風整俗使以名請旌賜孝義流芳額

鄧殿一貧不能娶躬炊養父父篤愛三弟之子食餘輒

請與之臥父榻側應時溫茗進暑具帳父寢身為蚊

啖父病籲天求代一夕鄰家火至其屋號哭負父出

忽反風屋得無恙旌孝子祀孝弟祠蕭富烈以施與貧其家久之益

困富烈力作奉養父安之父母既沒瘞像以祀出入必告壽九十卒被旌亦祀孝弟祠有吳貴卿者家

貧與弟美卿壽卿行傭養親親沒爭賣身葬獨貴卿長遂行知府董邵舒聞而嘉之語屬官各贈以錢

劉家友父客遊不知所往母羸弱多病益困家友學為

衣工得餘錢輒緘藏之數年乃出遊訪父得之河南迎以歸孝養終身

曾憲祥病瘖乞食養母母老齒脫落得食必爛熟進之母食已始食或所乞約則忍饑不食憲祥年六十母

年九十四未嘗暫離人稱老孝子

劉世緒傭於人與主人約願減晚餐

得米供母夜必歸省昧爽乃就傭母寢疾侍湯藥臥起三年不稍懈又曾永堂傭力養母母沒繞墓哭屢年又張光陞傭工養母不較值許夜歸伴母始往又歐陽萬足幼孤傭工百里外月蓄甘旨必兼程歸省母母老遂不遠出母沒攜弟遠買弟蕩其貲無所言嘗於途拾錢契自赴錢肆待其人至還之

鄧文玉不識字父沒兩兄異居母病痿痺二十餘年躬

邵陽縣鄉土志

卷二

歷史

耆舊

三

耕奉養巾裯廁踰皆親洗滌山間得菓必先奉母母

卒負土營葬夜必哭墓數年乃止

胡昌貴母病疽醫者謂須服參家貧

因鑿池畜魚歲時市魚以易之母與父沒繪容瞻拜哭泣如孺子然

王鴻父患瘍潰膿溢牀蓐閒鴻滌穢灑藥處之怡然篤

愛弟正棟正柏課之特嚴柏少嗜酒以母臨沒戒之

遂不飲棟官善化訓導柏念之輒徒步往視棟攜栢

子遐襄就署讀聞兄病危星馳歸省或謂當具詳大

府曰此動須時日能待耶去官不惜也遐襄恩貢工

詩古文侍母鄒疾年餘衣不解帶戚里稱貸有負至

千金者

朱名楷諸生父患瘵楷甫成童即為父葺別室調護母性嚴遇盛怒必長跪請罪嘗省試

忽心悸時母邁厲僕至尚諱言楷心知之慟哭星馳三日遂抵家又周忠和遠賈奉養聞母病一晝夜

雪行三百里

陳德光母瞽而跛躬笄髮裹足盥汗垢歷二十五年無

怠容母年九十餘德光亦已七十人呼老孝子

又黎信柳

幼孤貧不能娶母盲日屑豆以養躬扶持洗滌歷五十年母卒年九十三

涂嗣璋母病癘晝夜營護唯謹鄉人以孝行舉止之曰

此本分事耳朝夕勉之猶懼不孝敢上聞哉學官高

其行表門曰純孝可風

魏佐少孤母病蹒跚冬負就暄夏負坐牆樹陰濃處伺意

邵陽縣鄉土志

卷二

歷史

著舊

三

旨為歡笑伍世開母喪明偕妻護養惟謹或不憚則唱里歌娛之事異母兄極恭

黃則有諸生旌孝子父昌揖早卒則有孤貧力學戀母

授徒遠不踰二十里館膳稍豐輒不下箸夏無帳主

人以進嚴冬製棉衣均以母無却之嘗襄修府志母

年近九十則有亦逾六十一夕已就寢風大作雪盈

尺許忽起繞室長吁同事楊太灝問故曰念母即夕

馳三十里歸則有詩學宋人有集梓行

子紹英詩附之則有字古

愚派名遠望

曾子釗亦縣諸生率妻善事繼母嘗日等吾母也何繼之有朱琢廩生繼母病狂侍左

右歷試諸艱愉悅自若課徒三十餘年所獲脩脯恒衣食昆季之不給者尹道緯四弟皆繼母出友愛

無閒析產得舊宅
母憐幼子即讓之

魯學孔歲貢內行純篤期功共爨者六十年薦優行以

母老辭母卒遺衣一襲每祭必設哀痛如初喪嘗設

家塾課族子弟又輸田峽口義渡今呼為魯公渡陳德

善親沒三年中不御酒肉不入內父母忌誕辰輒涕

不食倡族人捐錢修學宮又割腴田為濂溪書院膏

火資姚捷元諸生敦內行有遠識父母沒逢誕忌

祭泣數行下輒舉其嘉言懿行訓子孫母卒時弟甫

數歲教之成立捷元兄敬曉子策鼈亦諸生敦內

行鄉人無賢不肖欽服無異詞喜治樸學巳未石逆

之亂憤甚病狂時時大呼殺賊亂定始已授徒

數十年樸直和易遇人無城府學者心樂就焉

陳萬周母病禱南嶽愈每歲必走祀之父病嘗糞以驗

邵陽縣鄉土志

愈否值夜出求醫遇虎虎不為害有蕭貴攀者母沒

延熾將及厝馳往救之道遇

虎不顧虎亦竟去不為害

胡士源增貢生質直沈重斥二氏淫祀及一切陰陽禁

忌嘗舉程子治喪不用浮屠戒子弟勿為世俗所蠱

孫光淵蔣幹旋曾英黃道會亦不信浮屠者孫光

淵喜究心古文津梁亭路多所倡捐將沒遺言身後

毋用冥薦里人化之蔣幹旋諸生嘗作助佛求佛

拜佛諸說以譏時多傳鈔者曾英積書數千卷徧

加丹黃年八十餘一日謂家人曰我死但以漢書置

靈几上不啻香花供養也子宗說以謹篤聞黃道

會年三十不續娶親喪不用

浮屠日勿以夷禮誣我先人

鍾顯甲兄顯理顯好讀書年八十猶手不釋卷喜振濟

瑞見前

孤寒上湘王輯五幼無依留之家塾俾成業乃還率

族人建宗祠置學田立茶亭壽百有二歲五世同堂

王大祿動履皆有繩檢已未之亂專命僕肩家譜賊退陳譜告祖族眾共相慶勞晚建祥萃亭弟大治諸生性謙厚里有爭訟得大治居閒輒已與人交不為機械兄弟均年八十餘

王繩祖性恂謹塗遇婦女輒趨走別徑嘉慶丁卯大旱

晚稻豐悉以予佃佃多致富者又有焚券事趙政雍嘗暮夜

投村店聞其婦有穢行攜僕露宿樹下有唐建侯者諸生能文負奇節宵分讀書有奔女夜叩其門堅拒之連呼莫莫如是者三人稱三莫秀才又黃章授夏定河並能以禮節自防如魯男子又張永椿於嘉慶丁卯大旱某佃田二百餘畝無收秋未晚稻勃發詣請分日此天賜汝也何分為

邵陽縣鄉土志

卷二

歷史

耆舊

望

黃雲慶恩貢生介而和易館府縣署久不一干以事或

持重金乞緩頰均力却之知縣獲失牛以予雲慶雲

慶密訪主者還之又嘗買婢逾年察與先世有瓜葛

為裝遣之買龍山莊田賣者得價逃田復為他人據

置不問韓忠坦歲貢生母病癱以口吮之患旋已家故貧食餼後有富家子倩人代試餽百金求

保不許歲試同號生出重金求易其文謝不與又有以冒捐案厚賂求左袒亦峻拒之

孫順受性和厚業髯嘗貰酒於市酒家浮其數其子執

不與順受曰止之卒與如數歸謂子曰面質人詐人

何以堪家居勤儉有禮不信浮屠

石美棟少孤事母孝家貧業錢字酷嗜讀厚脩課子燧

皆出自剗燧隸學籍凡名人就梓詩文輒命擇其

尤者錄之周廷原居周旺鋪為逆旅主人歲暮客遺金於牀廷原振席得之急遣人追還客故

隆回人後廷原子買隆回客為經營獲倍息陳昌清嘗筏木買湖湘間木戶誤入百二十金特追還之

曾元琳父學敦有隱德元琳設布店為生鍾某以急乞

貸票八百餘千鍾旋不承元琳為傾店費如票付之

晚歲窘甚或言及鍾事曰我若負人即鮮衣美食終

是作孽人負我致我窮困自是命定終其身無稍怨

悔子登烜篤孝授徒以供元琳雖貧且老亦忘其苦

邵陽縣鄉土志

卷二

歷史

耆舊

望

胡之遠母病日奉養甚至父母沒相繼廬墓嘗適粵舟

泊江口有婦以貧故投水之遠救之予以金且贖其

子又嘗拾遺金五十餘錠訪其主還之家居親睦七

世同爨知府旌其門

李鎮南廩生操履謹嚴已未之役莞城內分防局兵後

修復濂溪書院東塔省城試館建貞孝節烈總坊置

賓興田度支不下四五萬俱隻手經理出內無苟莫

南家貧遊學嘗為人教子弟夜被竊主人衣之不受強至再則日必於脩金之入折之而後可盜聞以原

物夜置諸牆穴而後去曾育才廩生家貧偶為人居閒謝三十金不受授徒所得館穀與兄弟均

鄒禧言性誠慤有來稱貸者與飲暴卒里魁嗾其子訟縣令得其情命杖禧言為哀免之鄰人種樹蔽其田即置不耕亦不校有占葬其地者在屋後戒子弟閉門毋出視葬者為愧引去王顯煜喜讀有用書某屢盜舍後麥傭者迹之驚逸去取所遺畚鎌歸告顯煜謂子廷慶廷選曰交一人難仇一人易且彼亦為饑迫耳命傭者還之

歐陽公析弟早卒撫其孤成立國朝郡內附兵務旁

午邑人力不支能挺身輸濟縣令顏堯揆旌以急公

第一魏大公冬寒施棉襖復禪石馬江橋將成缺費捐三百金其族又於橋所買田構亭康熙中民

多積欠大公為代還隆回一都之餉邑令盧大經獎以邵邑醕良額魏輔邦諸生建社倉金灘觀音閣

邵陽縣鄉土志

卷二

歷史

耆舊

望

儲穀三千石歲饑振捐前後焚積券千計長沙羅典稱其富而好禮

孫耀燈每季冬抵郡城檢閱戶籍視族里未完納者墊

金畢納聽其人隨時歸償貧者不之責居釀溪地多

無賴諸運糧食果蔬來鬻輒被抑勒折資急率里人

痛懲之俗為一變井口潭為資江險隘船至多觸石

壞時雇船救之鄧必達武舉祖全五置田家渡義田嘗歲暮值無賴肆橫逆私畀之金不

令家人知卒年九十必達有氣概族子某株訟死捕獄為面捕理屈之捕厚殮葬且存卹其家邑東關沿

河兩岸為艤舟交易所某豪謀踞之商民擁爭幾釀禍必達責豪事得寢

趙大懿負氣尚任俠縣役以事至鄉多乘肩輿太懿怒

摔下之。走訴巡撫。巡撫為下知縣禁焉。縣有私徭曰

大差。為民累。又訴於總督。汰之。至今稱頌。陳拔南舉人。邑有黠

隸衣錦橫行。拔南禡諸塗。某乘輿命門弟子痛懲之。羣隸切齒。是年拔南與計偕。白諸陳琴山侍御。奏聞

逮治。隸始歛迹。伍福喜任俠。約族人置宗田。已復立學田。借羣從兄弟寅賓。擇旭釀金修青龍橋。邑兩

稅例納白金。令置司鑪監之。司鑪或浮收。無央限。福集耆士立條式。白諸官。積弊以除。

石吉芳。少孤貧。後以賈致富。諸所受恩者。皆倍酬之。嘗

市棺藥及衣被。以給貧者。歲率費錢百萬。性慷慨。有

乞貸者。輒與之。積四萬餘金。旋檢其券。盡焚之。魏達橋服

賈吳越。為伯叔兄弟。償宿逋數千金。又數為所親畢婚嫁。給貿易貲本。族子弟貧不能讀。延塾師教之。易

邵陽縣鄉土志

卷二

歷史

者舊

器

簣時焚吳門逋券六千餘金。陳世桂敦孝友。五世

同爨。有叔母早嫠。事之如母。嘗捐巨貲建先祠。置膳

士田。修雙江下石橋。關山石橋。砂龍橋。凡治道路。振

貧乏。焚逋券。不下數千金。子力武舉。負氣豪邁。為一

鄉興義舉。平爭。衅人皆嚴之。咸豐九年。領團勇五百

防堵。要隘。禽賊。謀賊。戒不犯境。事平。堅辭保舉。李

三德。性沈厚。嘗曰。公廉美德也。然以公伐私。以廉訐

貪。傷忠厚。且梯怨家居。好善。鄉黨多稱之。咸豐中。寇

起。命子章漢主辦團練。有法。民賴以安。

徐安禧。素以然諾信義服人。郡中橋道多經募修。湘鄉

洙津渡者。省會往來衝要也。居民以業船為利。必勒

索取盈。而後渡。安禧倡建石橋。鬻產得三百金。遠近

爭助之。是時安禧年逾七十。晝夜督工。經始於雍正

改元閏三年成。名萬福橋。長五十四丈。廣二丈四尺。

高四丈七尺。於西岸構梵刹二。置腴田。永遠護守。湘

人於橋側立廟。肖像祀之。今湘邵婦女及四方過客。

無不知有徐公明者。公明安禧字。周元壁捐田普濟渡。又捐金湘鄉澄

清渡及洙津渡。陳政和卹貧寬佃嘗曰財從艱難中來不可使從逸欲去惟利濟事須勇為之。後其子

輸重金修奈田橋。岳勝宗嘗捐金買祭田修洪橋。子宗塔任修青龍橋一墩他修考棚石灘橋關門口

義渡半邊街官道前後約捐數千金。知府音德布榜其門曰好善樂施。黃世郡乾隆初於孫家橋開市

埠通舟楫。易木橋以石。費金數千。改名永泰。鄭守參富而好義。四子學程學淵學灝學汪並有父風守

參嘗周視水利里某爭渠漑推墮水衣盡濕。羣憤不平亟掩之以失足對卒年九十三

邵陽縣鄉土志 卷二 歷史 耆舊 巽

謝承時少貧居積致裕務為利濟事修家祠建族學葺

育嬰堂割莊田充之易城西養濟院茅舍以瓦資水

經銅柱清溪二灘以石峭激水雷鳴舟行多覆為募

工鑿石使平設救生船拯溺者他如振湖北災民病

為延醫購藥輸千金修青龍橋迴龍橋建茶亭一

購義冢山六益書院經費立賓興會義行甚眾議叙

縣丞卒年八十一。承時外有功育嬰者李鳴高於郡城育嬰堂圯協同承時修復伍世

秦囑其子捐入田八百畝。禹邦政倡建育嬰社子定謨於新太兩都立同善堂捐腴田育嬰價千金有奇劉文鐔捐入同善堂金千餘田三十畝又嘗建有義塾王代恕倡建一會著救嬰備覽二卷禹體

元生辰不設宴。出金濟貧，助修橋路，計六百餘金。復捐田充育嬰費。婦匡氏亦助夫好施。又王國琇謝上榜，謝萬能陳讓川均倡眾為會育嬰。

曾子銓，父世璜。歲荒減價糶，李某貧不能娶，妻以婢並給田使佃。子銓平道成梁，慨不吝。遇鄉里爭競，輒出金排解，尤體恤貧苦親鄰。或進保家之說，曰：保家不在此，吾見富人有一文不捨，而子孫不免為乞丐者。

劉紀灝，建族祠，縣修明倫堂，均輸貲落成。里人或不能婚娶，解囊以助。晚家稍窘，子請索欠，曰：彼今豈愈於吾耶？焚其券。葛定昱，父失明，虔禱獲痊，共鬻百口貨，不責償，醫不受謝。知縣秦漣，扁其堂曰：種德鍾憲，卿以婢給佃，某為妻，佃死，婢自鬻得四十金，以贖不受。歲饑，見諸乞糶者，有饑色，適造酒粟熟，即舉

邵陽縣鄉土志

卷二

歷史

耆舊

吳

甌食之。賀集賢，事父謹，兄弟析炊，器業悉取，薄劣族屬貧者，與面使耕，不取盈，以為常。居鄉喜助義舉，嘗舉林退齋學獎，虧語勗其子孫。

尹武俊，十歲孤，母劉氏節而好善。順治四年饑，設粥廠，板橋山用穀二千餘石。劉復出膳餘佐鹽資，穀罄又買之衡湘，由是富民皆聞風減糶。又尹良杞嘗置祭田，設義館。雍正辛亥，捐穀三千石，煮粥振饑。知府俞

存仁旌之。

劉世德，家富，宗族貧者資之。婚嫁晚歲不置田，餘穀概以振窮。僱女媪哺女，嬰二十

五人，咸豐壬子癸丑饑，施粥一月，己未之亂，避難中鄉者多不自存。世德按人給米，米盡給錢，錢盡復貸五百金以濟。姚又祿，捐田給江口渡，及中興渡舟子工食，保全化離。女七八人，雍正辛亥荒，捐穀數百

石振窮無告。次子安謀。乾隆壬申大祲。既減糶。攜棉
衾。貸穀者百計。秋末寒生。悉召還之。眾拜謝。安謀
孫爲賢。善事繼母。劉出後。叔父弟天。撫諸幼姪。如所
生。性剛直。癖於書。有歸樸詩草。曾孫德晃。於伯兄德
光。病屬庭。絕人蹟。調護備至。年三十喪妻。念其賢孝。
不復娶。德晃次兄德輝。德耀。並諸生。德輝狷介。孝友。
德耀年十四。籍於校。賈志沒。

周碧漢家富。凡義舉。輒輸巨款。嘗曰。天地生財。養人。須
得之以無心。用之於有益。命諸子修馬溪茶亭。捐田
入族義塾。損貲修愛蓮義學。置邑學祭器。碧漢子八
人。壽泰佐父理家。同炊五世。闔門百餘口。秩然藹然。
道光己酉大饑。傾廩減糶。復赴潭購米。設廠振貧。輝

邵陽縣鄉土志

卷二

歷史

耆舊

聖

秦性豪邁。有莊多盜。率佃往耕。數召村人歡飲。談笑

諷議。不半載。盜息。

伍車性嚴正。好善。不肖不敢近。遠祖葬新甯小金峯支麓。祭掃久廢。

躬率族人展墓。置田以守。子琮。嘉慶間。修湖南省志。輸金千二百兩。族子澤。景舉於鄉。以三百金資赴禮部試。弟世烈。與琮建族義學。捐腴田入之。修郡城青龍橋。中墩爲人謙厚。樸簡。終身不輕履城市。又鄧德茂。母伍氏。苦節好施。茂承母命。至鬻產以償家。遂落歲饑。餘粟數斗。分其半於鄰。翼日斷炊。客過訪。不見。客廉得其實。太息去。

楊步禮己酉大荒。家無餘貲。貸人得百餘緡。並囑弟步
奇。出三百緡。共濟饑。後乃倣朱子法。捐穀五十石。集
諸富室。共得數百石。合爲一倉。同治壬戌歲荒。鄉人

賴之。伍寅賓居常施藥濟人。修迪光亭。已酉歲歉。叔姪施粥。計穀千石。有奇。咸豐壬子。同治戊辰。均施粥食饑者。曾子瑾。父世承。建斗家嶺亭。置田八畝。道光中。當事旌以樂善好施。瑾建述餘亭。施藥餌二十餘年。修古墓數十所。乙未。饑賑貧民粟。至七百石。長子開。應廣西補用知縣。嘗捐田入郡體仁堂。

羅春選。母沒。廬墓三年。與諸子同居數世。嘗捐貲修石

馬江橋和尙橋。道士橋。又平治黃土牆諸處道路。家

產靈芝五本。人以為德行所致。子景鏞。有父風。嘗還

人遺金。鄧正仙。康熙間。石馬渡橋毀於水。知縣鄧鉅知其名。使使告曰。將累爾為修主。即殺然身。

任。橋幾成。遇旱。或議且止。正仙曰。吾聞古有以工代振者。是烏可已。計費私錢千五百緡。白金三百兩。

呂騰蛟。獨修八十亭。六里橋亭。助修青山亭。路五峯鋪

邵陽縣鄉土志 卷二 歷史 耆舊 吳

路郡試院青龍橋。前後約費數千金。騰蛟卒年八十

八五世同堂。子繼隆。出嗣叔父守坤。事後母如本生。建青桂齋。造後進。蕭最簡。於土嶺長

衝鋪。各建茶亭。年百齡。五世同堂。陳占元。自祖正孝以來。五世同爨。一門七十餘口。仁讓藹然。嘗建詔

義亭於梨子山。子山任。嘗建茶亭於里中。斗照樓。孫煜。諸生館。金所入。輒以建亭除道。修義渡。置田給

舟子。壽九十二。亦五世同堂。

伍槐三。建茶亭。均給以田。遊全州。過移鄉河。出資買田

為義渡。建攸縣周公橋。高沙市太平元灘。及新甯黃

龍白沙等橋。約捐二千金。補治白雲巖黃嶺險路。又

六十七壽辰。均以稱觴費。振窮困。輸數百金。吳家相於

郡北臨津門置義渡二對岸建彼岸亭宿舟子捐北鄉田租百四石復捐錢數百緡入體仁堂伍榮繼
齋起家凡贅道建亭贍宗族孤嫠揮金爲之嘗出己莊三爲伍氏義學歲召租三百餘石命子世楷請於長沙余廷燦爲之記伍澤旭倡修闔族義塾捐租百二十石道光戊戌青龍橋毀助修中墩糜金四千咸豐戊午捐修愛蓮義學錢三百緡又出租八十石充膏火是冬葺城垣捐銀四千兩同治元年捐賓興田租百五十石石逆達開亂後偕兄昭明修文廟費萬四千六百餘緡甲子修省垣試館捐銀三百兩他義舉無算姚敬起父安儒以農畝起家性渾厚喜施敬起力行父志歲饑命諸子減價發糶建集賢亭修甘棠雲水鋪通衢有始祖墓在奈田久廢展掃率子弟往省捐貲爲墓祭會建宗祠捐錢千餘緡又嘗欲捐穀千石備歉擬補修渡頭橋未舉行卒第三子建庸踵成之王顯煜遇族里輻輳理屈者斥之或出貲與寢助修神灘渡亭縣初設義倉捐粟五百石蕭祖鳳從父顯迎遷新甯竹坪墾荒起家生平助貲

邵陽縣鄉土志

卷二

歷史

耆舊

哭

成婚七十餘人捐修石橋三十餘處施衣被棺槨三十餘年劉載錫赤手致富建義塾拓白嶺岩鄭洞天祠黃姓橋圯倡首復修有跳石橋爲易木以石嘗修雙江渡長灘渡灣泥渡里故有洋陂壩向植木實以沙土滲漏不支躬率眾築石水利由是及遠

李步瀛歲施棉被輸三百餘金治冒家鋪通衢焚券千

餘緡子有修力行父志出重貲建濂溪資東兩書院

申明亭者里講約之所有修就其中積資育嬰捐田

三十畝錢百緡歷年救活甚夥鄭守縣性渾厚鄉里

歲子學澤諸生壽九十四歲孫世璵壽九十一歲世

英九十二歲黃朝明性好善嘗建宗祠修查林橋其曾祖母王氏壽百有一歲子六人孫二十四人曾孫五十七人朝明其一

唐家彥樸厚多隱德嘗客長沙於西門拾布囊內白金三百餘兩錢票數紙訪知爲某宦老僕所失立還之又夜行某山有人縊死林木急爲解脫捫胷尚溫伴宿終宵時就吻吸其氣竟獲甦

以上畧舉大概餘詳府縣舊志

列女

明

梁尙志妻鄧氏名靜早寡姑以家貧微諷其志靜泣誓不從養姑最孝子婦陳氏亦以節孝著正統九年旌

邵陽縣鄉土志

卷二

歷史

耆舊

五

十四年給銀建雙節坊

見乾隆通志今案氏居府志列傳首字並作鄧列女表

則作王邵陽近志因亦作王未知孰是此作鄧姑從府志傳文

魯多信母劉氏孝事孀姑姑病焚臂請代課三子皆有文行稱未亡人五十餘年卒年九十多信歸州訓導

曾友銘繼妻劉氏幼知書善草寫年二十八友銘卒五

日不食幾斃姑奈氏譬解之始泣從刻木爲友銘像朝夕侍食於側束髮爲結終身不梳作勁松吟見志

正統時命子志暹分粟輸官天順六年旌奈氏百歲

劉氏卒年六十七

黃洪妻龔氏天順時人早寡矢節壽百四歲院道請旌建坊

劉必榮女妙貞。新甯四都曲塘村人。年十三。父卒。二弟幼。母復病。妙貞侍湯藥。比弟長。以家窘。遠服賈。及歸。妙貞已三十餘。母尚欲嫁之。堅不從。以奉母終。成化時。里中牌頭觀鑄鐘。屢不成。妙貞以所帶耳環一投之。立就。今鐘上環形迹猶存。咸豐丁巳旌。

蔣氏。尚賢里蔣仲賢女。亦成化時人。所字夫殤。素食守貞。沒年九十。亦咸豐丁巳旌。

彭某聘妻王秀姑。新化王雄之女。許字邵陽彭氏子。彭夫秀姑遂不肯字人。守貞以終。嘉靖元年。建坊邵陽。

邵陽縣鄉土志

卷二

歷史

耆舊

三

隆回里

歐陽景湖女。晚貞。所字夫。遭痼疾。不克完婚。女守貞。依父母居。父分產給之。女卒。以其田

供祀事。

張志臣女同桂。隆回二都人。初生時。異香滿野。因名許。字楊世昌。十四歲。兩家皆以世昌足跛。悔昏。同桂心非之。密以白其祖母。既知。父翁意決。陰持聘書。夜半從高樓躍赴池水死。萬曆四十二年。事聞。建坊墓前。

額曰烈女

見明史。概湖廣通志。楚南文獻錄。

尚賢村老女胡氏。嫁農家王某。居近江干。值夜大漲。眾走避。至不及衣。胡氏衣訖。不可復出。夫弟赤身立水。

際大呼胡氏合目搖手曰羞死與溺死等汝未衣勿近我水勢愈疾遂赴水死明日水退胡氏手握柳枝整立柳下顏色如生夫至痛哭呼之手柳枝始釋見一

統志萬曆二
十八年事

彭子遲女彭媛性至孝以父母無子不肯字人後生弟甫三歲父母皆沒彭媛鞠育教誨之為娶婦卒葬竹山園弟命子孫世祀之道光癸卯始旌

夏寅妻董氏寅與董氏父翰均舉人董氏通女訓孝經四書大義寅會試道亡董氏年二十無子妾劉氏年

邵陽縣鄉土志

卷二

歷史

耆舊

三

十八遺腹生子廷臣董氏素善待劉劉因與同撫孤不嫁廷臣後以貢官柳州衛經歷見明一統志

劉汝能妻彭氏知內則四書大義汝能嗣叔父後所後翁早卒汝能貧出謀館穀彭氏勤女工以佐姑膳姑病盲彭氏與汝能扶掖起居飲食十五年子孔昭孔暉孔暉後殉難諡烈愍

劉文標妻歐陽氏永曆戊子潰兵之變夫婦及幼子皆為兵擄氏誑兵曰某家饒於財且多良馬若縱夫歸良馬金銀可得拘死於此何益兵然其言文標不喻

猶豫不忍。氏再三促之，乃行。氏擬夫行三四里，乃嚼指奮臂，拔賊佩刀，自刎而死。時年十九。賊感其義，爲具殮。且縱同擄老婦，攜其子歸。見湖廣通志及一統志。

曾廷賢妻申氏。當戊子潰兵掠鄉村，獲廷賢及幼子萬吉。至宅遍搜，挾廷賢梯樓。呼啓不應，怒

廷賢，使呼之。申氏恐不啓，殺夫縊之。爾退，吾啓門。寇稍退，乃潛啟門，赴宅後井死。廷賢後得釋，終身不再娶。

徐爾玉妻蔡氏。爾玉諸生。蔡氏年二十二寡。姑余氏衰

邵陽縣鄉土志 卷二 歷史 耆舊 三

老，二子俱幼。時寇起，百物翔貴。爾玉家故貧，蔡氏紡績養姑，常備甘旨。既而二子並夭，遺一孫，終撫成之。凡四十餘年。見乾隆通志。

吳廷翰妾伍氏。無子，嫡賀氏生子奉先。未幾廷翰及賀皆卒。氏撫奉先若己子，奉先亦母之。頃之奉先又死。子思孝甫七歲，伍氏撫之有成。壽八十卒。思孝子即

吳李芳。入國朝後舉進士者。今案嫡賀氏生子奉先，是道光府志謂撫嫡賀氏姪爲嗣，是爲吳奉先。與縣志文異。茲從縣近志，仍錄府志文於此。

吳李芳妻王氏。衛舍安仁之女。李芳明季已仕，至都御

史在官不能迎母。王氏奉姑，避亂萬山中。姑病劇，王氏減餐市衣食，以供藥餌。姑卒不起，王氏一痛而絕。

見一統志

國朝

約依縣志次第

歐陽遐邇妻劉氏。遐邇赤貧，劉氏績紵助菽水。夫弟久客蜀，舅姑念不已。劉氏勸夫往尋，獨支門戶。舅病癩，夜午嘗驚走。劉氏恐其顛仆，不敢安寢。姑患乳癰，劉氏侍湯藥三年，癰臭不可近。劉氏以口吮毒。伯舅德四與其妻龐，年八十無子，事之如舅姑。太守以孝婦邵陽縣鄉土志

卷二

歷史

耆舊

五

旌其門

郭宗貴妻丁氏。姑患癰疾，丁氏負之居寢，適姑意。宗貴灌園為生，丁氏助夫勤種澆，易金奉姑甘旨，而自咽菜羹。夏以扇侍帳，冬慮絮薄，身偎姑助煖，洗濯便溺，不嫌穢。姑沒，哀毀逾恆。郡邑旌其門，曰孝同乳姑。姚德輝妻楊氏，年十九歸德輝。舅家替，楊氏鬻匳具，養闔家百餘指。後姑沒，德輝歲館外，楊氏茹苦事舅。至八十歲，舅寢疾，楊氏尸湯液，夜不就枕。六十餘日，既沒，襁舄預手製，德輝兄弟早別籍。楊氏因夫弟德晃喪，妻遺二幼子，敦詒念詒，復與合爨，至成立始析箸。德晃妻劉氏，於妯娌行居季，凡進膳，夏帳冬爐，其姑悉以委之。劉氏小心執勞者十年，舅老家，益落佐夫拮据奉養，以瘵卒。年二十九。

王士瑛妻唐氏士瑛舉人年二十四寡撫從子爲子終身絕

歡笑祖姑老病瞽唐氏侍疾未嘗刻離翁有疾藥必

先嘗事繼姑亦甚謹有夫弟貧盡鬻唐氏私產唐氏

衣食不給卒無怨言年八十卒蕭最利妻劉氏侍病姑湯藥六年年二十四寡日止一粥

苦守六十餘年

蕭忠景妻歐陽氏年二十二寡子甫周歲夫弟亦幼翁

姑並患癰氏謹奉侍姑病久多燥怒氏不敢稍拂翁

沒伴姑寢三十年又爲夫弟娶童妻魏魏幼瞽亦賴

氏左右之

邵陽縣鄉土志 卷二 歷史 耆舊 五

王翰魁妻毛氏姑老喪明毛氏扶掖唯謹夫亦邁痼疾

不能行毛氏攜幼子乞往往自忍饑凍而姑與夫衣

食無缺龍久域妻張氏跛且早寡行乞以養嫠姑凡得米肴蔬果必分貲其美者奉姑值雨雪不能遠乞已忍饑而姑食未嘗一日缺姑後患痿

張氏扶持十餘年 以上縣志列諸孝婦

周學祈女周氏許字戴某貧且跛求退婚父以告女

曰命也不可改即改者兒有死而已已而其世父潛

以許富室某女聞投繯死年二十一

陳萬嘉聘妻趙氏滿正幼知書嫻女訓未嫁而萬嘉卒

滿正誓不更字里有惡少偽構婚約訟之官官遽批

完婚。滿正父遇紳素樸。懦顧滿正曰：奈何！滿正毫不

動。夜半沐浴整妝，作絕命詩二投繯死。首云：肅肅嚴

然翠柏傲天孤，羅敷自有全貞計。幾歲藏藏繩，此日需

次云：白髮含愁憾計窮，拚將性命脫樊籠。瑤池萬古清冷月，照我冰心朗太空。

歐陽某聘妻禹卷貞，父加相幼以卷貞許歐陽某，某奇

貧，年二十九不能成禮，請退婚，加相許之，將以改字

人。卷貞聞之夜赴水死。卷貞兄子國紀有女年十八

家日落欲悔盟，女不從母，終悔之女拔刀自刎死。

申佐翬聘妻曾氏，幼字佐翬，翬諸生，翬卒，女欲奔喪，父

邵陽縣鄉土志

卷二

歷史

耆舊

妻

子銓不許，乃衰服以常服蒙其上，坐臥一小樓，茹素

飲泣，越月病呻吟，聞頻語，翬呼與俱去，遂死，年二十

二

羅某聘妻孫氏，幼字羅某，羅貧，氏父大紀資之，賈屢虧

其貲，逃去，落魄他死，大紀改字女唐姓，納聘備物，諸

姊妹皆賀，氏正色曰：我羅家婦也，是何為者，而賀耶！

父譬曉之，誓死不從，乃反其聘，未幾卒。

鍾德岸聘妻楊氏，幼許德岸，歸有日矣，忽德岸卒，女聞

訃，悲泣不止，自經死，時年十八。韓德觀童妻黃氏得

觀年十三溺死，數日

氏亦投水
死年十五

石玉器聘妻伍氏玉器訓導文之第三子伍氏已卜期

于歸玉器卒欲奔喪母不許屢欲自盡母及嫂防之

密弗可得伍氏易服毀容日掩戶泣飲食希進悲鬱

數月卒王顯燦妻李氏李明章之女幼許顯燦年十
七未婚夫亡女痛泣嘔血數月卒 鍾氏子

妻楊氏父邶北鄉溫泉村人楊氏年十九未歸鍾
死於火氏聞訃嘔血死以上縣志烈女死夫者

姚啟順女元姊富陽里人年十七滇逆兵至隨父母避

龍口石遇賊父母倉卒潰散元姊度不免投水死道光

旌 癸卯

邵陽縣鄉土志

卷二

歷史

耆舊

七

縣志列諸死賊

甯衮妻李氏衮諸生李氏來歸數月遽寡悲甚母勸之

歸家從容譬諷不從亟請翁速葬衮葬之明日泣謝

弔臨戚屬潛至衮書齋投繯死見嘉慶通志 謝高
厚妻劉氏年十六歸

高厚甫生子高厚賈外卒劉氏痛不欲生諸姒謹伺
之劉氏舉動自若謀貸資自往扶欄數日不能行乃

攜子哭奠高厚盡哀已反室寂無聲自縊死 魏祥
星妻鄒氏年十九祥星卒哭死復甦者累日父強之

歸慰諭不改匝月卒 王某妻劉氏年十八王某卒
親屬利其改適挽媒來議將成劉氏急奔母家主者

以肩輿追之劉氏恐不免投螺絲潭死邑人周
思柱紀其事泐石潭上 諸婦皆道光已卯旌

羅上榮妻劉氏二十一歲上榮卒姑憫其少為改字人

聘至舅以告劉氏泣不從慰諭再三劉氏佯為沐浴

更衣自經死。羅上惇妻劉氏年十六上惇夭亡富家某遣媒來翁惑之以告劉氏曰夫死未葬容可緩乎服闋媒申前約劉氏閉戶自縊死。二婦道光已卯旌。楊武發妻尹氏年二十三武發卒父母舅姑以家貧令改嫁不從逾年家益窘母與姑屏人曉譬尹氏含淚佯允夜闌登樓自縊死咸豐丁巳旌。

蕭家炳妻鄒氏年二十家炳卒鄒氏屢欲自盡皆以救

免服闋歸省兄弟勸之嫁飲毒死。孫顯武妻謝氏年二十寡舅姑令改

適悲憂成疾未幾卒王謙妻高氏謙諸生以讀書瘵卒高氏痛哭仆地嘔血臥牀遂死年二十二曾

載昂妻申氏年十七夫死持喪哭不絕聲服闋絕粒五日死唐光甲妻鄧氏光甲業石工修廣濟橋為

石壓斃鄧氏哀毀不食五日死鄒氏高氏同治已巳旌謝氏申氏鄧氏後旌以上縣志烈婦死夫

邵陽縣鄉土志

卷二

歷史

耆舊

五

五

孫大兆聘妻劉氏未歸大兆久外無耗舅姑使人謂劉

氏父母當改適劉氏不從每歲為大兆製履雍正間

劉氏已老族鄰為請旌建坊劉氏痛哭設大兆位以

祭陳履坊前焚之見者莫不感歎

車朝覲聘妻熊氏年十九未婚而朝覲沒熊氏聞訃掩

戶投繯以姊救免乃奔喪終夜立靈几前勺飲不入

口引發慟絕久之始蘇集車氏序行輩拜之請立嗣

歸未幾父兄繼亡寡母嫠嫂依依朝夕歲一至車氏

寒食必躬祭舅姑及夫墓已聞朝覲本生父病逃歸

侍既沒出資助葬撫叔子維坊爲子嘉慶四年旌見通志

歐陽含輝長子聘妻劉氏年十四夫喪隨父往奠遂堅

守爲夫立後尋所後子亡送舅姑葬歸依母家墨素

終身道光二十三年旌姚公章女姚氏幼字李氏子李賈蜀不知所終氏居母家矢志卒年六十

周宗鑾聘妻蔣氏進士蔣舒惠女宗鑾夭守貞三十八

年卒李福芳選貢恩拔之女舉人仲芳之妹以父沒兄遠館矢志養母三十一歲卒二女旌同上

岳啟選妻孫氏啟選駮且盲不識人道孫氏敬啟選而

孝事舅姑舅姑勸改適孫氏曰夫天也天何可違事

之益謹年逾六十依然處女郡守以太璞完貞額其

邵陽縣鄉土志 卷二 歷史 耆舊 堯

門

陳某聘妻韓氏韓國霖女幼字陳陳酷貧屢請退婚韓

女不從已陳潛攜其子往蜀留書國霖令女改適女

誓死靡他遂依母家以終卒年八十八咸豐七年旌

李文斗聘妻尹氏仁風里人未歸文斗夭尹氏矢志守

貞進士敬篲有老女橋碑記龍翁兩女零陵人僑居仁風里翁耕山爲生無

子兩女力作養父母終身不字安化黃崇光有貞女詩亦咸豐七年旌

李繼份聘妻劉氏富陽里唐氏井人未婚夫沒矢志守

貞父母貧弟有廢疾劉氏佐弟養親族人高其義給

公田贍之名其地曰甘守世卒年八十五

蔣幹璜聘妻劉氏璜殤劉氏甫十歲父母欲更字劉氏斷髮自誓一日素服詣蔣泣奠璜靈拜舅姑操作勤謹舅姑知其志堅立從子為嗣茹素五十五年卒

莫德厚女葆貞幼侍孀居祖母代父母服勞祖母沒請於父母願常依膝下父母不能強日侍膳勤女工

李德涼妻鄭氏年十二涼因病外出久無耗鄭氏隨舅姑操作或議嫁峻拒之後撫夫兄子時若為子娶陳生子實不數年時若卒實娶鄭生子善慶未一齡實

邵陽縣鄉土志

卷二

歷史

耆舊

本

又卒鄭氏率子婦孫婦食貧堅守鄭氏年八十三卒陳年三十寡七十二卒實妻二十三寡壽亦永

何秀松女祥鳳幼字申氏子申隨父客黔殤女時甫笄聞耗痛絕者數父母議他適祥鳳不可毀容與諸嫂操井日暇則勤紡績積贏餘於漆樹下建清貞亭年

九十餘

自李繼佾聘妻劉氏至此均光緒初元縣志新采

以上縣志列於貞女

王霞舉妻陳氏丁亥變輾轉避地震舉復病以老母幼子屬未幾卒子復不育陳氏年方二十家甚貧有諷之者陳氏截髮以誓一女適某亦早寡矢守

康熙癸未以母

女雙節旌。姚世迥妻劉氏。事舅姑。盡婦道。二十九
寡。子國進。纔五齡。值國初兵亂。攜子姪奔避。艱苦
萬狀。亂定後。勤儉治生。嚴課子。為宗督。黃正民妻
譚氏。謹事八十祖姑。年二十四。守節。次子文鐸。舉人。

楊文質妻劉氏。十九歲寡。舅姑憐其少。使人微諷之。劉

氏閉戶自縊。救免。姑喪。哀泣三年。事繼姑亦孝。迨分

產。姑以腴產給之。固以讓夫弟。劉氏父卒。兄弟給之

金。亦固辭。乾隆五年旌。

車湘妻魯氏。湘諸生。魯氏貢生魯學孔女。年二十。寡。子

女皆夭。魯氏投繯者再。遇救。不得死。撫從子。曰為子。

教以讀書為善。勿徒取科第。魯氏素知大義。事舅姑

邵陽縣鄉土志 卷二 歷史 耆舊 空

孝。不信佛。人稱賢明。乾隆十五年旌。

歐陽正朗妻劉氏。正朗病。慮氏年少有異志。微言及之。

劉氏嚼指自誓。及沒。投繯者再。皆救免。未幾。三歲子

殤。父母欲奪其志。斧二齒以示。乃止。撫從子。又不育。

更撫從子道會。而道會生父亦亡。劉氏與姆。勤紡績

以奉老姑。人稱節孝。並至。乾隆二十二年旌。

江鳳騰妻田氏。年二十六。寡。哀毀瀕死者旬日。隕中

誦。誦呼舅姑不已。夜夢鳳騰告之。曰。神憐汝孝。明日

起矣。尋果愈。然痛不得同穴。淚未嘗乾。母陳諷以他

適田氏以義拒之卒完其操。乾隆二十二年旌

曾載衡妻陳氏載衡病篤陳氏割股療之卒死教其子

甚勤子長娶婦復病死頃之婦亦死族人哀之擇族

子為其後相依以終。乾隆四十二年旌 曾世盛妻 劉氏世盛監生年二十四寡撫

二孤甫成旋夭為次婦尹立嗣又殤尹憂卒更撫從 孫開益孝事繼姑余守節四十餘年嘉慶二年旌

熊厥良妻李氏年二十三寡先是厥良妹字車朝覲未

婚依母家守貞迨厥良沒母存李氏與其貞妹侍養

姑歷年依依朝夕節孝竝著。嘉慶元年與厥良妹同 旌 唐太仁妻胡氏太

仁病危喃喃若有所言胡氏揣知其旨誓不二撫姪 可雋為子自幼課之嚴可雋以選拔授武陵訓導胡

邵陽縣鄉土志

卷二

歷史

耆舊

空

氏就養學署敦屬教士太仁姪婦武生唐迪臣妻劉 氏年十八夫故苦守五十二年均嘉慶十一年旌

今案縣志於李氏謂嘉慶元年與厥良妹同旌 前熊氏下謂嘉慶四年與李氏同旌疑有字誤

尹百復妻劉氏通孝經列女傳年十八夫死無子劉氏

欲死殉姑勸止之乃撫從子為子曲承姑歡老女橋

前明尹貞女所造就圮劉氏捐貲修整又以里巷輕

棄字紙建惜字亭於衢使人就焚。嘉慶十 一年旌

劉選妻龔氏選諸生龔氏頗讀書嫁未幾夫卒不食數

日舅姑諭之乃強食家奇貧舅姑既卒夫黨利氏改

適諷勸之再三不可竟招媒議嫁龔氏夜閉戶自經

鄰媪覺破壁救之既甦抱女奔母家夫黨復以危言脅之母家恐龔氏剪髮勞面垢惡無人形見者駭走

聞於夫黨夫黨乃止道光二十三年彙旌

楊國春妻申氏年十八寡家赤貧晝夜紡績養姑歲饑

傭春以供時食糠粥頃之子殤姑繼沒或諷以他詞

怒不應煢守四十餘年劉艾校妻覃氏年十九寡母欲嫁之覃氏自刎未殊流血

數升襟裾盡赤母懼乃止家甚貧勤女工膳姑姑卒假貸營葬頗具禮不信佛未嘗延僧誦經旌同上

龔爾仕妾劉氏年十七侍爾仕爾仕已老尋病痿謂氏

曰吾死在旦夕若年少當為別擇所依氏涕泣誓不

邵陽縣鄉土志 卷二 歷史 耆舊 三

可爾仕卒無子其兄長截髮示兄兄自是不敢

復言

姚敬愨妻賀氏年二十四寡無子舅繼沒姑哀恚成疾

賀氏慰解百端奉藥餌飲食伺起居唯謹居有間姑

聞婦孝賢遣媒諷之賀氏怒批媒頰媒無敢

復至賀氏念夫無後耽耽者未有已徧拜族長老求

立嗣長老哀之為擇子嗣焉姚敬瓚妻彭氏年二十六寡誓不嫁有舅病且

盲彭氏左右奉養無懈所居枕邵水一日水暴漲鄰里駭走婦女則健夫負之以趨傭者請負氏賀氏正

色曰我嫠也豈可使男子負惟俟命耳須臾水稍緩賀氏攀藤倚崖立竟得不死

歐陽慕周妻蕭氏夫死母家欲嫁之蕭氏懼不免常礪刃自隨一日母家以筍輿來言母病甚要氏急歸已登輿蕭氏忽心動卽還坐堂上以刃示僕夫曰必欲相強卽飲此矣僕夫逃歸蕭氏念事未已族有歐陽標者素任俠好扶持貧弱奔往訴之標怒往責母家母家慙懼不復言

黃榮淑妻范氏年十六卽寡其舅欲嫁之媒妁議將成氏聞因臥不飲食舅慙急告絕於媒氏乃截髮自誓其後卒以節終

邵陽縣鄉土志

卷二

歷史

耆舊

齒

孝子蕭富烈孫婦孫氏歸蕭逾月而夫客黔尋卒遺腹生子孫氏毀容矢守家貧甚歲歉常食菜粥或遺之粟不受曾萬郡繼妻甯氏年十六寡家人多利其嫁甯氏知之嘗以死自誓已遺腹生子家人益忌之欲殺其子甯氏防護甚嚴卒不能殺居常不輕見人亦不他出家貧每食不飽冬寒取冰雪浣濯或煮糠爲餅食之凡四十三年

羅章佑妻曾氏幼涉書史能詩年二十三寡無子自題其室曰勁草居爲詩曰庶草共青青勁質何由別商飈捲地來柔莖隨偃滅獨有堅貞姿卓然表勁節歲暮雪霜繁枝枯心不折植物尙如此况乃含氣血

姚敬實妻岳氏。姚爲盾妻。楊氏。岳氏當敬實卒。一子爲玉。六歲。氏痛實欲絕。繼念姑石氏年邁。不忍以孤累。始進溢米。撫子玉。寬嚴有度。延師課之。殷家政。犖犖大者。屏當輒悉得宜。後恢產業數倍。卒年九十三。楊氏年十九。歸爲盾。甫及期。盾沒。男女俱無。出時。舅敬曉。家不中人產。盾弟四人。長者猶未冠。楊氏痛盾絕。而復甦者數。服闋。父母憫其少。兼無姪。可撫。諭自爲謀。楊氏誓死靡他。事舅姑益謹。閱十六年。嗣子德懷始生。性儉甚。勤紡績。寡言笑。嚴禮法。異宅諸姒。弟。閒

邵陽縣鄉土志

卷二

歷史

耆舊

三

爲茗果會。雖頻請。亦不赴。苦節三十餘年。艱劬特甚。

岳氏夫弟敬甯妻。亦岳氏。年二十三。寡。以無子憂鬱成疾。後立兄公子璧爲嗣。病且危。歎曰。向所以不死者。以無人承夫祧耳。今可對夫地下矣。言訖逝。兩岳氏在室。爲從姊妹。在姚爲妯娌。實甯之沒。相距僅數十日。兩氏矢志撫孤。鄉人敬其雙節。與楊氏並。道光癸卯旌。

今案縣志於諸節婦。謂見嘉慶縣志。道光府志者。四百六十人。俱但云某妻某氏。未紀事實。餘如咸豐丁巳。同治己巳。所旌亦然。新采合例。應旌諸婦。無不如是。查姚敬實妻岳氏。姚爲盾妻。楊氏並居縣志。所謂見於道光府志。一百九人之前。以其見聞較近。譜牒可徵。謹核實略。爲補述。餘則無從搜查。不能徧及也。又敬實弟敬甯妻岳氏。年二十三。守志。同以道光癸卯旌。今檢縣志。並未附列。知此外恐亦不免。閒有脫漏。因綴及之。以便隅反。以俟續增。

邵陽鄉賢祠入祀諸人表

晉

湘州從事周崎

唐

武安軍節度使鄧處訥
西川節度掌書記胡曾

宋

諫議大夫周輔成
湖南安撫使李傑
孝廉金彥
處士聶致堯
吏部侍郎王元春

明

工科給事中梁德遠
貴州僉事楊廷芳
黎平知府劉銓
銅陵衛教諭楊泰

邵陽縣鄉土志

卷二

歷史

耆舊

奕

近祠增祀各主

宋

諫議大夫周儀

明

臨安府同知周良士
慈利縣訓導簡而廉

國朝

恩貢生例授節推蔣大年
歲貢生簡文灝

江蘇高郵州知州魏源

右所祀六人魏源係奉
部文新入餘五人雖非
光緒元年縣志祠祀所
列然並見於舊志各處
自昔知府鄭公之僑據
會典部覆文為憑撤去

廣元知縣康憲
慶遠推官唐佐
南京都察院右都御史唐鳳儀
江油訓導王朝卿
廣昌知縣康正宗
南京太常寺少卿劉應龍
浙江左參政車大任
山東道御史何太謙
蘇州同知王尙賢
贈尙寶卿新鄭知縣劉孔暉
贈國子監學錄羅田訓導盧大受
歲貢生車大敬
國朝
遙授教授車泌書
歲貢生簡文灝

右所祀凡二十六人均見光緒
元年縣志祠祀門楊泰舊作銅
鼓衛教諭此從府志楊譜改

多主道光府志稱檢諸
家載籍及譜牒邵陽崇
祀可考者周良士簡文
灝外尙有王嗣翰王嗣
乾陳憲道陳所迪簡而
廉車萬有車萬合周天
和簡文灝蓋皆之僑所
擯者光緒元年縣志更
檢府志表有嘉禾知縣
陳九鶴訓導劉汝能恩
貢蔣大年固原州知州
吳李芳以上道光府志
光緒縣志云云附識於
此又案周輔成爲周子
父非邵人鄧處訥周儀
道光府志並以爲武岡
州人附
此候察

邵陽忠義孝弟祠入祀諸人表

鄭明 唐

忠義

胡景隆

忠義

賀祥

忠義

賀冕

忠義

賀珍

忠義

賀璋

忠義

彭珊

忠義

朱志清

忠義

劉源澄

忠義

曾士選

忠義

彭養生

忠義

劉人儼

忠義

陳邦基

忠義

唐遇衡

忠義

邵陽縣鄉土志

廩生 卷二

歷史耆舊

李鳳翼

諸生

忠義

空

徐翹楚

廩生

忠義

鄧殿一

孝子

謝上通

孝子

蕭富烈

孝子

黃則有

孝子

新增 趙世翥

監生

孝友

右所祀自鄭明以下至黃則有凡二十人均見光

緒元年縣志卷五祠祀內惟趙世翥為縣志所無

謝上通蕭富烈均 國朝人或系諸前明誤此外

若貞孝節烈祠在東關迎春亭左昭忠祠在城南

打鎗坪入祀之人尤眾容俟續增

邵陽壽民壽婦表

耆舊以德行動烈文學重齒似非尚然敦龐純固之氣係焉縣志九十內外人甚眾茲表足百歲以外者壽民

百歲 百一歲 百二歲 百三歲 百四歲

王舜宇 劉伍元 何廷烈 徐以成 曾國珍

栗佐綱 曾啟瓚 高進孝 何萬端 曾祿彩

劉邦箕 高進孝 何萬端 何萬端 鄒鴻運

王元鳳 何萬端

百十歲 百二十九歲

黃世雀 譚永秀

以上百歲至百二十九歲壽民凡二十人

壽婦

邵陽縣鄉土志

卷二 歷史 附表

矣

百歲 百一歲 百二歲

孫大燧妻岳氏 鄒代述妻胡氏 黃代仁妻劉氏

鍾明乾妻黃氏 王光奠妻周氏 何阮七母楊氏

陳昌誨妻羅氏 蔣代綱妻賀氏 柳後春妻許氏

劉綱仁妻歐陽氏 何萬瑞妻劉氏

劉邦璽妻歐陽氏 孫廷尚妻周氏

黃承增妻王氏

百三歲 百四歲 百五歲

岳正甫妻蕭氏 鄧佐周妻黃氏 文鳳貴妻彭氏

陳代惠妻梁氏 劉天受妻禹氏

何應礮妻曾氏

陳學讀妻羅氏

劉宗鐸妻曾氏

百七歲

王益恆妻曾氏

以上百歲至百七歲壽婦凡二十三人

右表均就光緒元年縣志言之餘俟續增

邵陽縣鄉土志卷二

人類

氏族

種類之辨自昔為然邵陽入國朝歸附較後休養生息土著率皆漢人回民獠民亦非甚彘今日數典不可忘祖首重紀其世次謹因府志原表別分時代先後時代未詳彙敘於後述其所已明者闕其所未知者氏族第五戶口實業宗教以次附焉

晉

邵陽縣鄉土志

卷二

人類

氏族

一

團山禹氏其先太白晉武帝咸甯中自江西太和縣徙

縣東太平鄉居於團山

五十三世孫曰邦羨者遷東塔嶺麓磨子塘禹氏譜三

十一世以前生卒從畧三十一世當宋神宗熙甯以後竝詳譜初刊於明嘉靖元年後裔為明貢生崇榮廣西圻城縣巡檢宗和白石潭巡檢永元南京省祭佐浩國朝優貢常德府教授再漢廩貢茶陵訓導文翰廩生國琛廩生星廩生廣西知縣用錫疇縣學生江蘇補用知縣崧齡諸人今案此從禹氏譜增入餘未見府志表者並同禹氏支族甚繁以團山為舊宗餘徙湘鄉澁浦河南四川各處不備列

唐

秋田胡氏其先唐季延唐令曾祀鄉賢

後裔為靜甫良甫餘未見此本

道光府志曾裔近為廩生華袞諸人

太平奈氏其先朝奉必能唐季自代州雁門徙太平鄉

奈田後裔為貴州石阡府守備應畎雍正甲辰舉人鳳舉同榜舉人榮錕歲貢桃源訓導士魁光緒

貢生鍾陵諸人

五代

龍亭橋徐氏其先仲雅仕馬氏為天策府學士周行逢

放之邵州因居東關外龍亭橋橋在今城外三鋪以市廛鱗密因未外著

仲雅後裔為太學生劉陽主簿經孫經明行修鈞州知州良宏治進士山東參政永諸生死吳三桂變翹

楚乾隆歲貢昭達同治歲貢國香光緒丙子舉人廣西藤縣知縣兆蘭諸人今案龍亭橋徐氏舊表系

之元代但謂其先得壽居城東龍亭橋元徵為洛陽縣尹不就此從徐氏譜增入又案宋瀏陽主簿經

邵陽縣鄉土志

卷二

人類

氏族

二

孫近志謂非邵人沿長沙府志經孫寶慶初作寶慶人而誤見道志府志撫談光緒縣志雜志今考此實不然徐譜載經孫祖父兄弟子孫及其生沒昭昭具在又載經孫為蕭文蔚甥李純忠孫壻文蔚純忠並宋進士皆可旁證與憑虛插入者迥異自未可以宋史經孫傳未著籍貫執晚出書一字一語疑之四庫全書提要所謂經孫字仲立籍豐城當係別為一人名氏偶同

宋

同莊李氏世居西鄉湖南安撫使傑嘗置義田贍族人

號曰同莊傑祀鄉賢傑仁宗皇祐進士其先有德員及士及中大及兄僑傑後有姪

進士楷進士甯鄉主簿榛子進士永州判官樛諸人餘尚未見今案府志以永州判官樛謂為傑姪光

緒乙亥歲冬傑妻茹氏墓志出土乃知樛實傑子具詳光緒縣志卷十雜志辨誤內傑裔今猶有居西鄉

永成一都秋
田村諸處

夏田敬氏其先名達者宋初始居長富墟子和甫居壓

山至忠恕居於夏田灣編中鄉二都三甲達裔為明六安同知克念永樂戊子舉

人忠宣德乙卯舉人永國朝康熙進士望都知縣簪諸人

茶園石氏其先百三泰和千秋鄉人太祖建隆閒徙邵

陽三溪鄉茶園山後裔為舉人愚谷素軒敘州府訓導鉉巴陵教諭興讓桑植訓導獻

珏道光乙酉舉人獻琛壬辰舉人鴻文己亥舉人琢之同治甲子舉人選之浙江新昌鄞縣知縣玉環廳

同知玉麟江西永新清江知縣守謙廩貢龍陽教諭贊宸光緒舉人贊鈞丁酉歲貢頌熙拔貢秉鈞諸人

青龍橋金氏其先曰魁金陵人英宗治平中官邵州教

邵陽縣鄉土志 卷二 人類 氏族 三

授因家城東青龍橋後裔為高宗紹興中舉天下孝廉第一彥成都推官昂崇甯進

士章全州通判曜諸人

榭木山劉氏府志榭作斛其先文斌吉州泰和早禾渡人生

吉祥吉蘊神宗元豐八年吉祥徙縣西鄉新甯里榭

木山吉蘊徙新化坪底吉祥後裔為明永樂辛卯舉人進成化重慶同知淵宛平知縣江四川瀘

州知州開宗雍正歲貢桑植訓導愷雍正癸卯舉人卓光緒丁酉歲貢高高諸人

界牌鋪謝氏其先惟興太和縣千秋鄉梅子坡人高宗

紹興中遷於邵季子漢三孝宗淳熙二年居於界牌

鋪紫雲山田下衝漢三曾孫安貴遷居賸町鋪即今黑田鋪後裔為明宣德戊申武進

士添貴。成化靖江王府典簿子賢。近時光緒廩貢候選訓導。覺南諸人。餘徙新化湘鄉衡陽貴州四川各處不贅列。

隆回賀氏。其先曰貞甯宗。嘉定中以鄉貢知邵州。卒於

官。因家邵。十三世捷。居於隆回。貞裔為明洪武歲貢。山東巡按御史才遠。

南城兵馬指揮鑑。正統歲貢。平陰訓導。清歲貢。梧州通判。洪宏治歲貢。龍泉教諭。相正德歲貢。營山教諭。卿嘉靖恩貢。永平知縣。良能宏治歲貢。鳳翔教授。良佐萬曆歲貢。馬湖教授。乾府學生。捷始居隆回。近為光緒舉人。學海諸人。

甘棠羅氏。其先曰永甯宗。嘉泰元年自江西廬陵延福

鄉徙居中鄉一都甘棠。後裔為廣東巡檢。惟新元至正戊子元帥政卿。明正統舉

邵陽縣鄉土志 卷二 人類 氏族 四

人重慶同知。福宏治歲貢。宛平知縣。源深嘉靖歲貢。襄陽府訓導。廷錦太平府訓導。廷上諸人。

小官田歐陽氏。其先嘉正安福人。理宗淳祐間徙隆回

鄉小官田。後裔為重慶同知。添鑑拔貢。廬州舒城縣丞。才升康熙歲貢。黔陽訓導。鍊從祀。忠義

銑。雍正歲貢。龍陽訓導。濟黔陽訓導。標乾隆桂東教諭。村舉人。雲南恩施知縣。道瀛嘉慶進士。羅城知縣。儁舉人。四川郫縣知縣。俶拔貢。慈利教諭。佶舉人。江西上猶知縣。輯瑞諸人。今案府表載嘉正淳祐間徙隆回。本歲鄉局送到表冊。則曰元美淳祐時由江西分派於寶慶邵陽。則有官田移居隆回。三都嘉正元美未知。是一是二。姑識於此。官田亦俟加考。

太平申氏。其先曰朝奉。度宗咸淳中自江西泰和徙居

東鄉太平二都大竹山下。後裔為明萬曆壬午舉人。畢節兵備道按察副使。在

廷萬歷己酉拔貢。崇禎庚辰進士。四川道監察御史。康熙庚午舉人。邵武知府。大舉人。都勻府教授。興瑞。嘉慶舉人。大防。雲南馬龍知州。紹衣。黔陽訓導。卓同。治恩。貢道南。光緒舉人。鼎勛。諸人。

鐵塘羅氏。其先青叟。吉州廬陵人。宋時官衡陽縣丞。子

大器。衡陽教諭。因家衡陽。孫忠。南海主簿。徙縣中鄉

二都鐵塘。其後為咸淳特科進士。翰林知制誥宗之。

林知縣。廣歷署知縣。廷錦。梁山知縣。錠。明末遺老。英及從義。國朝私諡孝懿。瑄。光緒舉人。丙燦。諸人。

孟公坡王氏。其先度宗。咸淳五年。由江右安福遷邵。

居於大東鄉孟公坡。其後曰伯三者。始居田莊。曰仲

三者。始居橋頭。孟公坡王氏。自宋易而元。百年無考。

邵陽縣鄉土志 卷二 人類 氏族 五

明初舉孝廉。命為縣四十二里之首。仲三徙橋頭。譜云。洪武十年。授都指揮使。二支後裔。為明常德府訓

導。貢上。普定衛軍民指揮使。聰。副總兵。國祚。光緒。衡山守備。正魁。廩生。錫庚。諸人。

隆回劉氏。其先曰琪。字義。江西泰和人。宋時仕知邵州。

因家焉。後裔為邵州教授。秉彝。浙江崇德知縣。永發。

貢邳州知州。綱。擴。道光丙戌進士。守坤。庚子舉人。安福教諭。榮幹。同治癸酉副榜。舉人。華鄂。諸人。

隆回蕭氏。其先一菊。宋末自江西徙寶慶。二世曰統者。

居隆回四都銀坑。曰江者。其後有添泰。添福。泰編。隆

回三都七甲。福編。隆回三都六甲。統後裔為恩貢。生

海。江後裔。添泰。添福。泰之後為廩貢。訓導。良立。福之。後為廩貢。臨湘教諭。良幹。嘉慶癸酉拔貢。家元。諸人。

今案蕭氏宗祠總譜載統之後分居隆回七都罐子窰周旺鋪諸處較府志表為詳今其裔有同治甲子舉人景山教習人彥江之後居三都又有禾木山具詳 國朝先正事畧孝子良昌咸豐同治舉人光南兆芬光緒進士主事架諸人 一菊次子明居南鄉九公橋十世汝道更居白茅衝又一菊子曰漢者其後裔分居東鄉西洋江烏龜壩霞光嶺梅塘村靈山寺諸處

主簿蕭氏 府志謂世系未到統列名於此今亦依舊存之

其人有咸淳辛未進士藻淳熙乙巳進士文蔚紹興癸丑進士楹寶慶丙戌進士世英藻之下未陽主簿德一 今案諸人世系仍無從考實以其皆登南宋時第姑依府志表次第仍附隆回蕭氏之後詳府志氏族表四 又案咸淳為度宗年號淳熙為孝宗年號紹興為高宗年號寶慶為理宗年號以上諸人次第悉本府志所列頗失先後倫序邵陽縣志選舉上則諸人首蕭文蔚係孝宗淳熙己丑進士非乙巳也

邵陽縣鄉土志

卷二

人類

氏族

六

次蕭楹與李純忠同登光宗紹熙進士第紹熙非紹興也蕭士英一作世英係理宗寶慶乙酉科乙酉非丙戌也最後蕭藻則與裴濟羅宗之同列度宗咸淳辛未特科次序較為明順

板橋鋪陸氏其先德晟宋時自江左遷新化六世曰良

甫者自新化遷縣西鄉板橋鋪 德晟之兄德遷由江

為陸九淵兄弟德晟之子曰君富者後裔居東鄉梅塘里仙槎橋相見灣丁口今頗未繁板橋鋪近為光緒癸卯鄉試副榜舉人藻瑩諸人 今案明初給事中陸榮當係梅塘里相見灣人以板橋鋪自良甫後世系並備相見灣經兵燹後明時十餘世世系並缺陸氏自板橋鋪相見灣外別無支族同居邵者榮為梅塘都相見灣人無疑

元

府道前李氏其先趙姓宋理宗後宋亡改姓易理為李

以邵州理宗潛邸因徙居之至明初名福者官州吏

目福後為洪武歲貢雲南蒙化知府思聰四川梁山

縣經南城兵馬指揮綬恩貢雲南教諭綿嘉靖歲貢

戎縣知縣春貴廣西賓州學正春榮金谿縣丞鄉飲

賓春植拔貢德安府教授春成弋陽王府教授鳳來

順慶府教授鳳朝彰德府教授鳳梧嘉靖歲貢柳州

府學正鳳苞舉人雲南趙州知府鳳岡萬曆歲貢江

西青田知縣鳳至漢陽府教授一柱瀛州同知孟斗

歲貢應山訓導孟實天啟歲貢道州學正孟光舉人

孟魁崇禎歲貢桂林教授孟才殉難縣學生鳳翼順

治歲貢渾康熙歲貢漳百有七歲泗近時新疆迪化

知縣道彬諸人不悉列今案李氏譜雲南教諭綿

作南京教諭德安府教授春成作安徽教諭柳州府

學正鳳苞作徽州黟縣教諭江西青田知縣鳳至作

邵陽縣鄉土志

江西龍泉縣丞道州學正孟光作道州教授崇禎殉

難縣學生鳳翼作萬曆癸酉之變義不屈節傳又癸

酉作癸未姑並存之於此李氏居府道前譜謂即東

城填江灣當時或曰李大家或曰李半街自避王進

才亂始多遠適外省外郡

居本郡者不過十之二三

畱里衝楊氏其先曰浩秦和人元初官寶慶初居東關

外楊公腦繼徙東鄉富陽二都畱里衝浩孫仁偉則

遷西洋江後裔為黎平推官元旺明洪武歲貢雲南

甯州同知偉即仁偉建文歲貢主簿智派

名仁智宣德歲貢高郵州吏目復天順進士貴州按

察司僉事祀鄉賢廷芳舉人銅陵教諭泰萬曆衡陽

教諭一舉隆慶崇仁教諭之範雲南經歷正鈿雲南

同知聯昌道光乙酉舉人長沙教諭太灝卒於江南

提督松江任所宣付

國史館立傳金龍諸人

卷二 人類 氏族 七

七

七

七

七

中鄉甯氏其先道可元初自衡州徙中鄉後裔為永樂歲貢廣西布

政經歷瑄河南許州州同維四川榮昌知縣子福正德舉人連州知州禎嘉靖歲貢饒州推官夢龍崇禎歲貢永新知縣臣宗拔貢沅陵教諭士進拔貢士遇明季遺老丙戌舉人朝柱附貢廣東昌化知縣功藻乾隆副貢永順訓導德懷舉人蔚州知州習貢生巴陵教諭浩舉人醴陵教諭詔道光舉人德溥諸人

東田村伍氏其先曰隆自廬陵徙新化自隆六世至皋見府志新化族表皋曾孫宗六郎生天繼元世祖至

元時徙縣南鄉東田衝天繼子再青編永成三都七甲其後為四川按察副使文

貴成都守備鳳賢十四世道光辛卯鄉試榜首澤景同治附生知縣用嶽靈附生署廣西泗城鎮安知府永琛諸人今案道光府志表於伍氏未列時代考伍氏譜牒隆仕宋為大理評事未徙新化之先有由

邵陽縣鄉土志

卷二

人類

氏族

八

廬陵遷都梁湖田事至神宗熙甯時章愔疆理梅山復由湖田遷新化三塘天繼自三塘初遷東安後遷邵陽南鄉畱旗坪最後居東田村較府志頗為詳晰今特據以增入天繼裔亦有居東鄉包流村者

洪廟范氏其先天貢福建羅源人以成宗大德三年官

邵陽縣尹仁宗皇慶二年卒於任子愛賢以舉人官

永州通判解組守墓因家於邵後裔為洪武歲貢兩淮鹽運經歷思安鄉

飲賓宗祺重慶同知宗俊嘉靖恩貢四川知縣希顏黎城縣丞德樹諸人

上賢里蔣氏其先曰千三郎江夏衛人泰定中徙邵陽

南鄉上賢里後裔為崇禎歲貢浙江蘭谿知縣信止國朝順治恩貢祀鄉賢大年乾隆歲

貢茶陵訓導柱瀏陽訓導藻繪嘉慶舉人舒槐戊辰進士浙江義烏縣知縣舒惠光緒歲貢澤繩諸人

龍溪鋪李氏其先千魁江西吉水縣人泰定四年始遷

邵龍溪鋪長子仁順帝至正中自龍溪遷東陂衝明

英宗天順元年曰海曰清者由東陂遷白水洞千魁

次子試則自至正閒由龍溪遷涪田後裔為明洪武重慶推官揖宏

治正德閒東平知縣縉文萬歷義民志道康熙副將生源雍正孝義添命同治歲貢訓導湘藻咸豐舉人

江蘇淮揚海道維翰光緒江西瑞金南康知縣毓璠主事湖北補用道靜原名承榮光緒壬寅舉人禔農

諸人今案此從李氏譜增入涪田白水洞世系具在道光府志表雖載涪田李氏然稱其先曰千金陵

人洪武三十一年徙縣新甯二都與譜異今識於此

田家渡鄧氏其先曰理仁宗皇慶元年自江西徙縣城

邵陽縣鄉土志 卷二 人類 氏族 九

北資江十一世必文居田家渡後裔為嘉慶武舉必達同治增生貴州思

州都勻知府庭桂廩生知縣用藻諸人今案必文一名交府表誤作畢文此從鄧譜訂正

給事中梁氏其先千一江西泰和縣人順帝至正初徙

寶慶後遷邵東坪上千一曾孫德遠生二子應宗應

祖一居北鄉新甯上一都陂陂街一居柏林德遠官工科給

事中父廷用官郎中後裔為十六世孫黎平府經歷貢璆十八世孫廩生都諸人今案此即府表郎中

梁氏表僅列二世此從梁譜增入德遠葬城南株木橋因牛山墓如故邵東坪上具見前德遠傳後

一廂八甲李氏其先曰義泰和雲平鄉人順帝至正中

避兵徙縣東鄉橫石頭至七世正鸞居白馬田後裔為道

光乙酉拔貢恩拔己亥舉人仲芳光
緒武闈進士 欽點侍衛芳園諸人

堆頭劉氏其先萬卿泰和人至正十八年徙於仁風里

堆頭後裔為成化貢生文慎正德歲貢武陵訓導永道嘉靖南京經歷定邦山陰知縣又與諸人

老鴨田陳氏其先伯萬自後唐時由吉州徙邵州橫陽

山順帝至正時曰權甫者始居邵陽老鴨田見陳憲道譜序

權甫洪武十四年編隆回三都九甲後裔為冠帶鄉飲添鑑經歷大茂康熙舉人曲周知縣祀鄉賢憲道

廩監鄉飲大賓祀鄉賢所迪激浦訓導昌祚咸豐丁巳武關鄉舉連陞光緒廩生欽明世蓮世藩諸人權甫十三世孫昌令由三都鴨田遷

二都月山下則連陞諸人之祖

棠溪村夏氏其先開希吉安廬陵縣人至正中徙縣北

邵陽縣鄉土志 卷二 人類 氏族 十

鄉棠溪奶姝街棠溪即唐溪後裔為五世孫雲南峩嶧知縣源十九世孫增生安雅諸人

太平里曾氏其先福仲曾子五十一代孫元末官太常

博士左遷潭州錄事棄職隱於太平二都其後為衡王府審理

才瑛兵馬副都指揮才琚永樂舉人國子監助教鳳旌表義民志暹大東右都督廷美國朝康熙拔貢

遠安教諭巴歲貢巴東訓導萬芳常德訓導載熙廩貢河南延津知縣載鏞乾隆安福訓導榮經拔貢永

興教諭萬通舉人陽武知縣榮銓舉人衡陽教諭澹庚寅舉人澍拔貢資州判世棠道光舉人茶陵學

正宗達咸豐舉人任知縣開驥同治舉人宗篤進士百色廳同知延里舉人浙江山陰知縣壽麟舉人江

蘇上海江海關道丙熙舉人峻副貢登俊江蘇知縣祖梁光緒舉人補用知府廉優貢毓驤諸人未悉列

梅塘里賀氏其先恭一吉水人元季徙九龍嶺其子應

神後居梅塘。後裔爲入祀忠義祥及冕及章及祿南
京經歷世寶瓊州經歷鼇嘉慶舉人可
受道光歲貢希
今希乾諸人

坂衝張氏元末有添福者始居北鄉坂衝花屋場。後裔爲歲

貢廷政附貢開拔咸豐王子
進士中書科中書家鈺諸人

渡頭橋張氏其先興達元季自新化徙縣三溪六都長

子寬甫始居富陽一都渡頭橋。次子寬申畱三溪六
都茅田寬甫後裔爲

直隸宛平知縣宗輝歲貢蘇州教授文德大同知府
文紀選貢廣西賀縣知縣文安隆回汛把總捷魁新
甯石門汛把總玉貴諸人 今案興達志表作興通
此從張譜更正以通達曾祖名通義校之自誤譜又
載大同知府文紀登進士第蘇
州教授文德亦選貢均存於此

邵陽縣鄉土志 卷二 人類 氏族 七

甘棠里姚氏其先巖理宗景定中知武岡軍卒於官。府志

職官表巖以景定五年四月知武岡軍
與前任趙希遇皆見葉夢鼎渠渡廟記巖子苾寓武

岡。苾字芬
若能詩子三義魁義盛義隆。隆徙
湘鄉義魁居邵陽余

田元季起義聚眾千人保護鄉里洪武初楊璟復寶

慶義魁與千戶王庭有戰功授寶慶指揮其後居甘

棠。後裔爲指揮元信鎮撫仕眞莆田訓導奇郎陽教
授勝衡山訓導時歲貢爵及大鵬大寶鎮遠副將

世鳳昆明知縣世釵甘肅殉難通諡烈愍撫標中軍
世儒楚雄遊擊泰仁武岡把總登魁咸豐廩生保舉

訓導熙庸敦詒增生保舉訓導叶韶同治舉人浙江
於潛知縣補用府徽典光緒拔貢福建泰甯知縣惟

寅廩貢澧州訓
導鏡蓉諸人

新田鋪姚氏其先曰芝元代為吳縣令有能聲擢御史

芝生義昌義昌始居邵陽新田鋪十四世有武昌都督僉事光翰

留里村李氏其先汝清江西泰和縣人元季徙縣東鄉

留里衝後裔近為光緒歲貢杜壇縣學生澤枏諸人

明

甯遠伯喬氏其先曰成甯陵人洪武初隨征寶慶因隸

寶慶衛籍其後為指揮僉事顯千戶敬指揮珍指揮同知晨指揮僉事晟千戶祿廣西都指揮

使木都督汝登甯遠伯汝遷諸人

甘井頭周氏其先江南上元人明初有福大者以戰功

邵陽縣鄉土志 卷二 人類 氏族 三

授寶慶衛指揮使福大卒無子以弟福四襲福四子

善指揮僉事居城南富庶坊甘井頭其後為千戶義及源及敬及縉

縉居於城南門又為萬曆舉人臨安同知崇祀姚州名宦良士府廩生崇祀鄉賢世和康熙恩貢縉舉人刑部現審主事邵生乾隆恩貢甯遠教諭邵生雍正拔貢思仁乾隆舉人思咸道光歲貢承玘同治歲貢子燧諸人

留田姚氏其先曰榮上蔡人明初以戰功授汝甯衛指

揮同知子貴襲職徙寶慶衛其後有元禎及良昇及仕瑾及宗及爵及武及

瑀及鳳及來珏來思世卿一禹均指揮同知及遊擊來軒及附貢良瑛良燮諸人

指揮李氏其先鳳陽縣山西鄉人有伍一者及其弟伍

二從明太祖起兵伍二生春洪武八年春以戰功累

遷授寶慶衛右所副千戶後裔為正千戶芳指揮僉事才指揮同知瑄指揮使

鏞及昂及堂及勳及宏祚及光先及之籓均指揮使及浙江象山知縣時雍天啟進士知縣之芬恩貢雲

龍州知州光培歲貢黃州教授光明隆武丙戌舉人光化諸人鏞同輩行縣學生鍾居江川王府側

指揮湯氏其先曰省鳳陽府定遠人省生重重從明太

祖起兵滁州征戰六年而沒生興洪武二十二年授

興寶慶衛指揮僉事興孫名賢者居東門外船廠裏

曰能居小東鄉興後曰彝曰貴均指揮僉事曰用曰泰曰璽曰震曰恩均指揮使曰誥曰

執中曰國仕均指揮同知曰貴嘉靖歲貢沔陽知州曰仁中雲南總兵曰起鳳武進士漢陽營守備

邵陽縣鄉土志 卷二 人類 氏族 三

指揮窰上胡氏其先道祥江甯人洪武初授寶慶衛千

戶其後居縣東鄉窰上村道祥長子貴孫世甯曾孫添曜均千戶次子倫孫世

紳曾孫添懷均指揮裔孫士瀛同治中以附生沒後選永州府教授

指揮畢氏其先曰子亮清苑人洪武中隸寶慶衛其後

指揮僉事暄都指揮使武岡守備禎指揮薦

指揮繼宗寶慶協城守把總連陞諸人

指揮海氏其先曰盟石北平府順義縣人洪武二年授

寶慶衛指揮其子名馨者居海家巷盟石之子曰伯日顏徙畢節衛

馨裔為雍正武舉國作國光光緒廩貢兩淮鹽知事沈諸人

千戶盧氏其先曰大崇江西清江人宋末徙居湖南安

化沒祀安化鄉賢大崇曾孫文仲明太祖為吳王時

文仲以戰功授萬戶生子澤洪武初隸寶慶衛籍因

家東關外

澤征雲南陣亡子興征交趾亦陣亡興子鍾廩生錚百戶錚後曰琛曰森曰方曰重

日光曰金曰良相均百戶鍾後有嘉靖拔貢茶陵訓導洲萬曆歲貢沔陽教諭泌副榜大觀崇禎歲貢殉

難羅田訓導崇祀鄉賢大受順治歲貢激浦教諭應登諸人

百戶馬氏其先曰成南直隸通州泰興人洪武元年隸

寶慶衛籍其後立祠西關外

後裔曰讚寶慶衛百戶自讚以下七世至之驥

皆百戶又為武岡守備詔嘉靖選貢大名府通判進萬曆歲貢常德府教授廷儀嘉靖歲貢四川安居知

縣世雍萬曆舉人浙江於潛知縣配乾崇禎恩貢廣東保昌知縣三禮縣學生死王進才難三鱸割股療

邵陽縣鄉土志

卷二

人類

氏族

古

母海氏三奇銅仁守備之良光緒壬寅舉人鄰翼諸人

守備黃氏其先才一江西太和人明初官武岡守備徙

隆回五都磨陽隘孫顯鎔居九頭巖

後裔為大同總兵旦虎道光丙

午旌表孝子則有道光丁酉拔貢八旗教習炳崑原名達道諸人今案旦虎志表作大同遊擊然傳與

黃譜並作總兵坵識於此

巨口鋪黃氏其先伯溢江西廬陵人明初徙縣北鄉新

甯五都巨口鋪

後裔為景泰歲貢四川合州吏目道縣學生鄉飲耆賓正滿國朝康熙

歲貢藍山教諭桂芳諸人

墨溪黃氏其先景文世居縣三溪五都墨溪

編三溪五都一甲後

裔為明季諸生束髮以終昌國雍正歲貢正表乾隆鄉榜中式文鐸諸人

曲塘劉氏其先仁壽廬陵人洪武元年徙縣東鄉新甯

里曲塘今日新甯四都後裔為國朝乾隆寶慶協

都司守誼寶慶千總耀祖永州都司耀宗武岡守備

鐵爐巷岳氏其先汝通洪武三年徙縣城東關外鐵爐

巷後裔為崇禎舉人四川仁壽知縣文淵府學生鄉

飲賓高明康熙丙午拔貢光達例貢湖北沔陽知州宗玠道光歲貢萬書光緒廩貢訓導用維峻諸人

向日塘宋氏其先日卜彥卜或揚州泰興人洪武十二

年調寶慶因居南門向日塘後裔曰釗永樂歲貢北直隸州判官

邵陽縣鄉土志 卷二 人類 氏族 五

都御史唐氏其先日遷世者江西吉水縣人洪武十六

年遷縣城東北洋溪橋四世曰善者居城中六亭嶺

下是為四川巡撫都御史鳳儀之祖唐氏子孫分居

灣洋溪橋諸處鳳儀後裔為嘉靖蔭監生詔選建昌知府辭不就虞盛庠生虞德及之舉執中允中相

中及肇勳及國朝著有雲巖拾餘大閑諸人今案府志表僅列鳳儀四世此從唐譜增入鳳儀別署

六亭孫之舉始遷居雙江口並識

城東馬鞍山劉氏其先太和人曰允雷者洪武開始遷

於邵其後居馬鞍山麓後裔為天順舉人進嘉靖歲貢彰德通判釐歲貢武宣知

縣允萬歷進士太常少卿祀鄉賢應龍國朝乾隆歲貢新田訓導熙諸人今案劉譜載允雷名屬武

宣知縣斧字與兄弟同用金旁作銖新田訓導熙派
名正熙天順舉人進前有永樂丙申府貢永州教諭
必貢今兩存之應龍允雷七世孫生長馬鞍山舊宅
子孫居富陽都雞籠山戴家橋諸處

劉氏又有北鄉抱隆潭一支其先汝龍亦江西太和
縣人自明遷邵後裔為十三世孫廩貢楫瀛諸人

白鹿劉氏其先文惠生子永信明初自江西南昌始徙

縣北鄉西平里白鹿村永信雲南大理同知其子為
景泰舉人黎平知府徙居石

橋鋪祀鄉賢銓銓曾孫大興縣丞穩穆
宗時訓導勲今為縣學生樹績諸人

大醫灘曾氏其先思義廬陵人明初徙縣新甯里大醫

灘後裔為明進士戶部主事贊歲貢泰舉人文獻吏
部河南司事務正鵬國朝咸豐同治時郴州都

司傅棧貴州雲南布政使贈太子少保紀鳳知府
補用紀鶚花翎補用府紀麟朗洞營參將紀鵬河南

邵陽縣鄉土志 卷二 人類 氏族 共

補用府廣翰雲南鄧川州知州廣閭廩貢廣漢諸人
今案自主事瓚以前曾譜與府表同自瓚以後並

從譜
增入

王城前楊氏其先士興洪武時自江西徙縣溫和里五

峯鋪白旗衝十三世孫德楹始居城中王城門前後裔

為縣學生舟監生暉吉道光巳酉拔貢直隸廣平大
名知府循績冠畿輔當時郡縣毓枏廩生直隸州用

毓桂附生江蘇補用縣丞焯離附
生議敘翰林院待詔熈離諸人

田家灣曾氏其先放熹廬陵人明初徙田家灣孫興隆

居西平一都田心後裔為嘉靖選貢文光拔貢建昌
知縣一貫萬歷舉人陽山知縣守

魯舉人新甯州知州守
訓嘉慶歲貢世益諸人

嚴塘何氏其先舒敬淮安人元季為太和縣尹生子育

武孫原善以字行明初舉人才官寶慶府學教授因

家西平一都嚴塘立戶冊曰何公後裔為正統歲貢海道光歲貢觀成乾隆武舉重赴

鷹揚宴殷魁道光拔貢鄆縣知縣樹年咸豐鄉試第一善化教諭濬年原名澤洪同治附生廣東文昌知

縣北瀛副貢北蓉遇缺簡放總兵榮貴諸人

馬蹄塘張氏其先致衢吉安人明初徙城外馬蹄塘後裔

為順天舉人鑑重慶府同知必鵬汝甯知縣必鳳紹興知縣仲澤同治威遠同知舒翰歲貢元品光緒初

元歲貢福焱諸人

梅子嶺鍾氏其先宗穎江西萍鄉人宗穎生祖庫祖庫

邵陽縣鄉土志 卷二 人類 氏族 七

洪武時徙邵陽子三長萬一居雞籠山次萬三居白

田次萬四居雀塘鋪居梅子嶺者為次子萬二後裔為道

光歲貢土虎道光舉人甯遠訓導德烈光緒廩貢湘潭訓導現授湘潭教諭籍瀚諸人

井田尹氏其先政清從太祖破陳友諒於武昌始居仁

風鄉井田後裔為宏治拔貢廣濟廣西經歷添星副貢添綱山陰教諭廷冠長沙訓導紹晁南

京經歷仁志桂林經歷仁惠諸人尹氏又有洞霞村一支其後為光緒進士主事廣西

鎮安知府錫綸壬寅舉人蓉廩生慶襄諸人世系未見侯增

隆回黃堡廖氏其先人俊江西泰和人元世祖至正間

官翰林侍講學士人俊曾孫長壽生發祥亦官侍講

學士謫永州路總管遷任衡州順帝末徙武岡湛田

生子三仲德文徙縣野雞田季德貞徙黃堡後裔為茶課司

知事宗信寶慶百戶彥纓荆州都司懋濤衡州守備應鳳寶慶把總振登千戶宗暘江西吉安同知晟萍

鄉知縣遲副練千總曰拱辰曰兆先曰宗尼乾隆舉人戶部司事友尚順天吏目代森諸人

拖洲劉氏其先曰賞衿洪武初以昭武將軍來守寶慶

因家於邵子植蘭編永成一都六甲立戶曰柏山後裔為安南衛指揮孟才宣德舉人太平

府同知鼎嘉靖拔貢會稽主簿倫歲貢雲南赤水衛經歷文明宏治舉人文蘭歲貢衡陽訓導鳳粹常德

守備應玉重慶右營守備俸武諸人

車田唐氏其先曰萬明初始居車田後裔為萬歷進士龍游知縣興仁萬

邵陽縣鄉土志 卷二 人類 氏族 六

歷恩貢興賢崇禎歲貢懋欽懋思順治丁酉歲貢懋載十六世孫咸豐舉人堯舉諸人

北江蔡氏其先曰元七河南上蔡人明初始居縣新甯

都後裔為萬歷歲貢仕登歲貢德安教授仕用曰朝吉始居隆回三都其裔為康熙武岡歲貢澧州訓

導肆夏諸人今案本歲鄉局表册稱元七隸籍寶慶邵陽江北元末由福建歷仕京師鎮守貴州曾封

昭遠大將軍徙居隆回三都月形則順治初派祖學濟此與朝吉未知孰是孰誤

鱣衝陶氏其先曰受志洪武初由江西吉安府泰和縣

徙居縣東鄉鱣衝後裔為天順貢生縣丞鍾萬歷歲貢直隸平江縣教諭廷憲諸人

田心村羅氏其先曰道賢江西廬陵人明初徙縣東鄉

大樹下道賢子邦富編西平一都三甲八甲後裔為四川蒲江知縣志瑛江西萍鄉知縣朝遵

江西萬載知縣守靖諸人

漁溪劉氏其先曰必超洪武中始居西平一都漁溪村

後裔為永樂辛卯舉人禧吏員廣東新安知縣思湛江甯經歷正紀諸人

坳頭嶺何氏其先曰幼者江西泰和縣鵝江圳上人洪

武時遷縣北田家渡定居小廟頭灣田坳頭嶺子孫分居

河落橋大畧灘東鄉平山諸處後裔為明廣東庫官承貞藍翎把總英今縣學生策勛諸人

大灣衝粟氏其先曰仲庫洪武間始居小南鄉大灣衝

後裔為正統歲貢南昌衛經歷實道光甲辰武舉奇傑同治廩生金鐸諸人

北江唐氏其先曰寶洪武中始居城北北江其譜稱劉唐氏後

邵陽縣鄉土志 卷二 人類 氏族 九

裔為宣德歲貢四川巴縣知縣智廩生祀孝弟祠遇衡諸人

花橋村田氏其先曰才貴江西安福人洪武間徙隆回

三都花橋村後裔為廩生景峻嘉靖選貢廣西南甯衛知事國貴諸人

酈家坪唐氏其先旻遠江西廬陵縣人元末遷永州祁

陽鳳凰灘明洪武中徙縣南鄉開化里唐雅保後裔為同

治甲子鄉試副榜舉人候選教諭鳳舉廩生議敘教諭夔廩貢試用訓導叔成諸人

沙井頭胡氏其先萬祥江都人萬祥生應海永樂二年

應海自江都南門麥子橋徙居縣城內沙井頭後裔為歲

貢袁州教諭海宏治曹州學正昇嘉靖歲貢陳留知縣邦縉諸人

指揮胡氏其先曰大武陟人大生諒永樂十三年諒以

戰功授寶慶衛指揮僉事後裔曰海曰瑄曰福曰順星曰來漢曰其森曰之籓

日從聖均指揮僉事曰之鈐縣學生居隆回曰從禮拔貢居清溪曰從佑康熙副貢辰谿教諭諒子海非

東川侯海辨詳府志卷第三十三氏族表二

六亭嶺胡氏其先葉榮河南汝甯人明初以進士官新

甯知縣因家焉葉榮生用享用享用享歸原籍汝甯

用享用享授湘潭知縣不就生子電電生歲貢瑄瑄授嘉

魚教諭亦不赴徙縣城內六亭嶺下後裔為順治歲貢廣濟訓導入

祀廣濟名宦效順康熙舉人儀隴知縣土觀歲貢鄱縣教諭鄉飲賓大鶴乾隆拔貢崇緒諸人

邵陽縣鄉土志 卷二 人類 氏族 三

金灘魏氏其先吉安太和縣人元季徙長沙成祖永樂

間有萬一者自長沙徙縣隆回一都金灘後裔為武邑典史大

蘇乾隆戊午舉人廣西武緣知縣都貴州普安都司安邦寶山主簿邦魯道光舉人顯達拔貢五達甲辰

進士江蘇高郵知州源署儀徵縣紫鹽廳淇嘉慶拔貢之綱歲貢孝廉方正之范道光拔貢辰谿耒陽教

諭炳勳陝西潼商延榆綏道炳蔚廩生江西贛州知府瀛己卯舉人攸縣教諭藩藍山教諭大名記名提

督補用總兵紀鑿甘肅鄉試舉人紀璠欽差南洋大臣兩江閩浙陝甘雲貴總督光燾綿州眉州直隸

知州承恩順天副貢湖北補用道允恭知閩州分州漪湖北直隸州知州升用府仲青新疆伽施知縣霖

樹鳳陽府知府高騫廩貢大理評事錦榮廩貢臨武衡山教諭丙榮諸人未悉列

蘇溪村羅氏出自新化鼻祖橫陽山一松一松十一世

曰智叔智叔曾孫曰必聰宣宗宣德中必聰徙居隆

一回二都蘇溪後裔為冠帶鄉飲賓士後理問
紋蔚道光甲辰舉人承煜諸人

白馬田車氏其先鎮江丹徒人元季有用宗者仕廣西

平樂幕員世亂未歸用宗生舒舒中永樂賀縣籍舉

人官山東道監察御史生深及濟濟官荊州府通判

景帝景泰四年至寶慶樂其風土因家於邵後裔為
冠帶鄉

飲賓鎮萬厯歲貢遙授訓導承道萬厯進士浙江左

參政祀名宦鄉賢大任拔貢大衡歲貢長沙府訓導

大乘歲貢敘州教授大聘崇禎歲貢祀鄉賢大敬天

都督以庸康熙歲貢鄉飲大賓萬期康熙進士戶部

掌印給事中萬育舉人沈陽知縣萬備拔貢萬有拔

邵陽縣鄉土志 卷二 人類 氏族 三

貢桂東教諭萬銓進士福建學政鼎晉副貢道南武

進士雲南參將果監生上海知縣策雲南河陽知縣

廷桂舉人江南建平知縣敦本進士隰州知州敏來

歲貢无咎新甯醫學訓科條興安州醫學訓科榆乾

隆拔貢其昌舉人鄆城知縣廷雋舉人山西襄垣知

縣碩拔貢漢川知縣煌道光進士刑部主事瀛光緒

高規衝彭氏其先光宣憲宗成化閒自安福西溪徙縣

高規衝後裔為饒州經歷思賡嘉慶
恩貢捷陞附貢長炳諸人

白馬田嚴氏其先日榮江西太和人孝宗宏治閒徙縣

東關外榮居東關外編一廂八甲後裔為居長烟鋪
德正居白馬田寺埕乾隆舉人江南睢甯知

縣安儒廩生教諭用濬源諸人

西平羅氏其先日文質江西豐城人宏治閒徙縣西平

鄉後裔為九世徙安化光燮十世道光進士湖北巡撫繞典諸人

陂丁劉氏其先日粹者江西廬陵縣丁陂村人宏治八

年攜子袞徙縣東鄉三溪里陂丁村後裔為明萬曆辛卯舉人廣東

龍川知縣廷龍國朝廩生應珊縣學生社疇諸人

布政使彭氏其先日儒武宗正德閒自廬陵徙縣南門

向日塘其後為曲阜縣丞梅萬曆丙辰進士陝西左布政克濟乙卯舉人代州知州克清副榜克

濬洪承疇屢辟不就宗孔諸人

泥灣朱氏其先日淇清江西廬陵人生紹銓紹錫紹銓

邵陽縣鄉土志 卷二 人類 氏族 三

生復紹錫生安武宗正德中復及安皆徙縣富陽二

都泥灣編洪仁八都三甲後裔為崇禎癸酉舉人復熹廩生從熹康熙歲貢克宅克振咸豐廩生

琢光緒記名提督陝西商州協正和諸人

隆回司前鄒氏其先日旭武宗正德閒始居司前後裔為吏

員廣東海康知縣木北直行唐知縣林廣西興安典史森旌表百有二歲鴻運諸人

臨津門龔氏其先益疇撫州金谿縣咸塘村人生玉瑞

玉瑞生顯章三世商於寶慶嘉靖初顯章始卜居臨

津門教睦坊顯章孫天啟進士福建監察御史守忠其後為居隆回縣學生默康熙戊寅拔

貢慈利教諭直永明訓導杰敘道光癸巳歲貢立葵道光優貢瀏陽訓導琴諸人直自縣城始遷北鄉隆

回三都江東
村棠畚衝

井頭村吳氏其先萬二江西豐城人世宗嘉靖閒徙縣

南鄉朱家亭井頭村後裔為鄜州同知廷翰副榜奉先國朝順治進士陝西固原

州知州李芳直隸定都知縣伯夔雍正甲辰舉人廣東崖州知州車泰諸人

溫村簡氏其先齊標江西上高縣規頭村人嘉靖閒徙

縣永成鄉因奉其父母居於溫村齊標子二曰興曰旺旺居大田村後

裔為崇禎歲貢慈利訓導祀鄉賢而廉崇禎甲申拔貢文灝順治歲貢文瀚康熙歲貢文灝順治舉人策

康熙舉人內閣中書琰歲貢通道訓導斌舉人華陰知縣廷佐乾隆進士戶部郎中昌璘歲貢永明訓導

厥修光緒歲貢筠諸人未悉列

邵陽縣鄉土志 卷二 人類 氏族 三

隆回熊氏其先有恆江西豐城人成化中舉鄉耆有恆

生瑞瑞生奇嘉靖閒奇徙縣隆回後裔為鄉飲耆賓徙居城北萬歲廟

萬橋村君佐康熙歲貢飛歲貢龍陽訓導占乾隆歲貢徙居山溪肇楚諸人

新田鋪謝氏其先近道健道安福人嘉靖閒同徙縣北

鄉新田鋪近道之後為廣西府江兵巡道僉事芝蘭貴州州同守茂健道之後為廣東通判三

位諸人

北路王氏其先文瑞江西安福人孫大傑大任始徙於

邵文瑞之孫大傑大任傑居北鄉上三溪其子為萬歷舉人蘇州府同知祀鄉賢尚賢孫明季丙戌舉

人嗣翰嗣乾曾孫康熙歲貢元復大任徙居縣城北鐘樓邊子縣學生承賢遷隆回一都次遷小水廟後

世又遷白蓮江蔡家莊其裔為乾隆庚辰舉人土瑛
歲貢士潮士浩嘉慶歲貢士洛士漳道光舉人廷選
光緒進士江西金谿知縣江蘇補用
道龍詔原名德馨 恩貢德基諸人

礦子嶺鄒氏其先政桂神宗萬厯中自新化牛山鋪遷

縣西新甯三都礦子嶺政桂之先出自希可居於新
化洋溪 後裔近為同治甲

子舉人咸安宮教習知縣先
舉廩生孟鄰增生藩魯諸人

尚寶卿劉氏其先日祐自廬陵儒行鄉徙於邵祐子為
崇禎乙

亥歲貢祀鄉賢汝能天啟舉人殉難新鄭知縣通諡
烈愍孔暉順治 恩貢應祁康熙歲貢忠詒諸人

東關外楊氏其先日清吾北直人生子開奇天啟時自

江西遷邵世居城外東關後裔為太常寺博士銜馨
代附貢時熙襄謨廩生嘉

邵陽縣鄉土志

卷二

人類

氏族

三

謨廩謨
諸人

搖鈴巷金氏其先自崇禎初徙居城內即府志族表把
總金氏其先湖

廣按察使司副使金之俊有子曰應貴孫曰聯科聯
第四人當崇禎初遷居搖鈴巷具見桃花洞口碑記

之俊葬新化南門外香街
後府表云聯第寶慶協把總

國朝

縣街王氏其先鳳祿河南祥符人順治八年從續順公

沈永忠至寶慶因居縣街後裔為道州千總上傑廩
首善化訓導正棟咸豐

恩貢遐襄光緒附生四川綦江知
縣昌瑛附生保舉知縣樹綦諸人

田家灣方氏其先正卿新化石馬三都黃皮嶺人順治

初徙府城東門內田家灣

後裔為新化汛把總元善永州鎮左營守備世儒隆

回汛把總世得新甯汛千總策寶慶協城守千總

署游擊副將開榜石門汛把總開甲新平營守備

神灘渡鄭氏其先名仕文者江西人宋南渡後遷湖南

澗浦裔孫良純國初由澗遷縣隆回二都子廷槐

始遷神灘渡

後裔為道光歲貢蕙歲貢瑩附生保選訓導邦岱四川涪州州判邦對廩貢末

陽教諭鼎榮同治進士刑部主事總辦秋審處泉州知府秉成附生光緒安徽知縣秉璘己酉拔貢鏡蓉

歲貢光曙諸人鄭氏又有九龍嶺一支丁口尤眾其先亦系出仕文

仕文子均近由澗浦遷邵元時名蒞者居開化都杉木橋後裔為明省祭官浩近時光緒舉人伯雋甘肅

邵陽縣鄉土志

卷二

人類

氏族

五

西甯挂印總兵連拔諸人今案九龍嶺鄭氏與神灘渡鄭氏同出仕文宋時世系兩譜並同惟其後以

曹婆井王氏其初名寅者康熙初由河南歸德府甯陵

縣攜僕來邵長欲歸道梗因居城東門內曹婆井後裔

為咸豐壬子恩貢學淵知府銜藍翎同知國琛按察使銜廣西補用道咸豐舉人承澤附貢道銜候補

郎中承敬附生花翎知縣用承麻廩貢臨武訓導河南補用知縣繼庠諸人

南門唐氏其先萬青江南人明初官桂陽指揮洪武元

年從廖永忠平廣西還卒於永州零陵萬青生蔭生

趙趙生嶽嶽生海海生應先應先生世祿世祿生端

端生良仁良仁生惟潤惟潤生勝云勝云生自裕自

裕生聯吉康熙中聯吉自永州徙於縣南門後裔為乾隆拔

貢武陵訓導可雋乙卯副榜湖北遠安知縣方耀宜城典史澍諸人

府城內王氏其先曰志衍者江西人乾隆中徙寶慶志衍

曾孫騰驤署廣東陽江縣丞

府城內胡氏其先仲祥巴陵人生清玉清玉生正茂乾

隆閒正茂商於寶慶因家焉正茂子光廷吏員江西廬陵縣丞

太平巷滕氏其先國獻麻陽縣人道光中以剿匪至邵

同治時任寶慶協副將因籍縣居於城內太平巷其子

邵陽縣鄉土志 卷二 人類 氏族 美

五長為江南陸路提督嗣林次湖北提督諡武慎嗣武三知府用嗣洪四茶陵協副將嗣相孫湖北荊州府江陵縣丞久仁安徽六安州吏目鈞光緒壬寅科舉人驥諸人

六逸山前吳氏六逸即六一其先家相撫州金谿人嘉慶朝

從其祖賀寶慶至同治時子維新入籍於邵家相事詳光緒

元年縣志維新分省試用通判孫碩華縣學生

補宋

補宋

西洋江李氏其先道旺江西泰和縣人甯宗開禧時遷

縣城東三鋪明時名仁者居西洋江楠木村後裔為三十二

世孫光緒丁酉舉人寶圭附生寶堃諸人

補明

秋田何氏其先日達者江西籍人明時徙縣西鄉永成

二都秋田村季子發榮遷南鄉一廂茅坪後裔為

疆鎮西廳同知世煌廣西副將用世煌附貢
中書科中書壽坤府學生縣丞用寅亮諸人

黃田坪何氏其先受卿江西吉安太和縣人洪武初為

寶慶指揮因居縣西永成鄉受卿子四長原通以賢
良方正為縣學教諭次

原善以洪武五年鄉榜為府學教授四原智隨受卿
征武岡苗徭因襲父職居於白倉受卿後裔在西

鄉及遷東鄉富陽都國朝為乾隆庚辰歲貢淑近
為記名提督勤勇巴圖魯浙江總兵未抵任卒

玉貴諸人今案此據黃田何氏譜增入原通以賢
良方正仕本學教諭淑歲貢玉貴記名提督均見光

邵陽縣鄉士志

卷二

人類

氏族

宅

緒元年縣志官師選舉內譜又載義夫及達及幼及
必宗皆同時由江西遷邵原所自始同省同邑而又
同族為一本之親明甚此於何
氏各支原委尚晰並識於此

江湖裏雷氏其先福全江西廬陵縣沙江口林善鄉人

明初遷縣北江湖裏七世曰文斌者明時徙縣東鄉
白馬田後裔為明萬歷教諭

望國朝雍正乙卯武舉一鳴嘉慶丙寅歲貢澤咸
豐附生保舉知縣用凌漢同治廩生候選訓導申諸
人今案此即府志表白馬田雷氏舊
未載其原委此從雷氏譜增入改訂

白竹山謝氏其先日俊江西太和人明時居邵墨溪白

竹山其後編洪仁十都九甲俊曾孫為宣德王子舉
人應城王府教授瑄又為正德歲貢沅江教諭

志天啟歲貢常甯教諭嘉兆山東遊擊世珍廩生鄉
飲介賓君問乾隆旌表孝子祀孝弟忠義祠上通嘉

慶丁卯歲貢錫璜議敘縣丞承蒔廩貢新田祁陽教諭永謬光緒附生雲南大觀同知光燾廩貢中書科中書鶴年廩生丙榮諸人今案府志於白竹山謝氏未紀時代此從丙榮手開增入

附未詳先後時代氏族次第依府志表列之

知縣李氏僅見二世曰甯曰大用大用萬厯甲戌貢四川彰明知縣

三溪梁氏其先曰鼎宋代人鼎之裔曰有發有發四代孫興緝道

光王辰舉人又其裔近為咸豐廩生湖北補用道作楫諸人

把總梁氏僅見二世曰一元曰世祿世祿寶慶協把總

一廂一甲唐氏僅見四世曰爵侯曰位彩曰觀陽曰三元三元議敘鹽知事

參將唐氏僅見二世曰虞道曰鳳鳳廣東平海參將

邵陽縣鄉土志 卷二 人類 氏族 三

新甯五都王氏其先曰士端安福人徙邵北鄉曾孫開臣歲貢

鄉賢王氏見於氏族表者曰爵曰朝卿爵正德丙子歲貢官通判朝卿

嘉靖乙未歲貢官江油訓導祀鄉賢

隆回四都王氏其先盟盛江西吉水人官重慶知府子

光遠辰州通判孫添驥徙縣隆回四都添驥五世孫為宣德己酉

舉人廣西監察御史輅又其後為嘉靖選貢藍山教諭尊賢四川建昌副總兵國統道光優貢代琳諸人

經歷王氏僅見二世曰遜曰鎬鎬嘉靖己丑歲貢壽州衛經歷

把總何氏僅見二世曰玉麟曰紹祖紹祖寶慶協把總

陳家坊陳氏新化鼻祖伯萬之後伯萬二十四世孫泰

清徙縣安平一都瓜塘子汝華定居陳家坊

編三溪一都十

甲後裔為乾隆丙申歲貢龍陽訓導夢熊道光武舉必得諸人

高城村王氏其先曰萬廿五郎居衡陽縣金蘭生山蟾

山蟾始居縣太平一都高城村

十六世孫宗文徙於四川安岳縣十七世

為乾隆舉人直隸知縣應鷓十八世為嘉慶進士禮部侍郎炳瀛諸人

田心王氏其先曰發仁生宗三宗萬宗三宗萬始居縣

太平鄉田心楓樹坪

後裔為歲貢顯貴及十六世嘉慶舉人鄆縣訓導光槐諸人

萬安趙氏其先曰膺昌江西人

膺昌指揮僉事其後居萬安之桐江編七甲

後裔為十六世嘉慶道光舉人候選教諭鎮南總兵聯陞明義諸人

邵陽縣鄉土志

卷二

人類

氏族

元

老虎坳羅氏其先曰先聰自湘鄉麻田徙縣老虎坳

其後

編洪仁十都八甲後裔為九世正祚正倫正倫居柘木田有乾隆舉人榮泗舉人湘潭教諭純璜諸人

中鄉二都八甲羅氏

僅見四世曰際釗世漳祚傑北立北立旌表好善樂施

教諭羅氏

僅見二世曰上台達謨達謨乾隆癸酉拔貢黔陽教諭

訓導羅氏

僅見二世曰義鎔禮綉禮綉嘉慶丙辰歲貢衡陽訓導

武舉羅氏

僅見二世曰玉友曰禮禮武舉

小景彭氏其先曰元芳自泰和徙縣小景衝

元芳孫為景泰庚午

舉人雲南大理通判鼎又其後為嘉靖壬午歲貢河南遂平訓導思仁諸人

石牌坊張氏其先安金安福清化鄉人徙縣河街石牌

坊安金四世孫明欽

三溪甯氏中鄉道可之後其先曰獻者始居縣新田村

三溪鄉獻之後五世孫為憲宗成化辛卯舉人四川納谿知縣洪洪子詵徙居東鄉肥田橋後裔

為咸豐拔貢可大同治貴州印江知縣樹琳光緒歲貢錫祺諸人

安上甯氏其先曰榮始居縣安上都榮永樂癸卯歲貢

長嶺觀甯氏其先曰學文始居東鄉長嶺觀學文正德庚辰歲貢

知縣蘇氏僅見二世曰宗湘曰萬姓萬姓萬歷甲午舉人江西餘干知縣

同知舒氏僅見三世曰祖仁祖儀曰有翼曰心忠祖儀萬歷歲貢有翼萬歷舉人福建泉州同知

楓江溪劉氏其先有左千百者始居寶慶生應福應福

邵陽縣鄉土志 卷二 人類 氏族 三

生元義楓江溪劉保無後以元義為子更名仁義故

稱左劉氏仁義編永成一都後裔為沅州同知大漢貴州正西衛千戶諸人

洞頭堙袁氏其先曰珠自新化徙縣西平鄉珠孫正東

始居隆回洞頭堙珠後裔為九世孫道光丁酉拔貢紹賢咸豐恩貢紹宏諸人

白鹿馬氏其先曰進才始居縣西平鄉白鹿村後裔為拔貢江

津知縣勝郴州永興縣高亭司巡檢仲德

永成三都姜氏其先曰大權始居於縣後裔為四世孫康熙歲貢惟美

姜氏僅見五世惟美以下無考

都司時氏僅見四世曰顯倫曰啟榮曰用曰逢聖啟榮宣化四海營守備逢聖福建仙遊都司

柘木田余氏其先曰嵩及其弟崇始居於縣嵩後六世為康熙丁

卯武舉英崇後為廣西河池州同知志篤康熙己丑五經師廩生謝大雍正武舉仕諸人

田心黃氏其先庭春自連河套子嶺來遷縣西平田心

石灰衝後裔為廣西參將永湖湖北羅田縣世海頭品頂戴署理廣西提督呈祥雲南廣南知府

寶善諸人

續明補明

柏樹園黃氏其先才清為宋黃庭堅五世孫明初自江

西分宜縣遷縣北鄉西平都柏樹園後裔近為花翎貴州總兵登魁

光緒歲貢自南諸人

邵陽縣鄉土志 卷二 人類 氏族 三

右自秋田胡氏至柘木田余氏其姓皆已列道光府

志表中自西晉團山禹氏至柏樹園黃氏凡二十氏

族則向未登府表今為搜采入之者舊列府表諸氏

族亦有但紀數世或未詳遷徙原委如明中葉四川

巡撫左都御史唐鳳儀明初工科給事中梁德遠表

表在人耳目此未可令其原籍何處子孫何處闇昧

弗彰也抑近時巨族道遠難察或經屢索世系終不

得見此則惟望異日來者以時賡續焉氏族關係最

重一縣掌故源流所在不可不知崖畧

戶口

史自兩漢迄明所紀戶口均統郡府言之頗無諸縣分數邵陽戶口可考者嘉慶二十一年布政司冊載縣

戶十一萬四千七百四十八口六十四萬六千五百

七十五

此本道光府志卷第八十三戶書一

邵陽舊志則云嘉慶二十

年城內四門其土客籍民三千三百四十一戶東路

二十四都土著客籍民共三萬三千九百三十戶南

路九都土著客籍民共一萬二千三十六戶西路十

四都土著客籍民共二萬二百七十一戶北路九都

邵陽縣鄉土志

卷二

人類

戶口

三

土著客籍民共一萬四千八百二十三戶漢人歷寄

徭山編入齊民烟戶一百四戶徭山十六崗徭民四

十五戶以上土著客籍寄徭民徭民戶總共八萬四

千五百五十口五十八萬八千二百六十僧道二千

四百八十七眾此嘉慶時邵陽戶口總數也

本歲城鄉戶口由總局彙呈各局團烟戶清冊城內

十三保土著客籍約男二萬四千五十名女一萬八

千三百六十四口城外十七柱土著客籍約男二萬

一千八百五十六名女一萬四千二百三十五口東

鄉八局土著客籍震中局約男四萬二千五百九十
四名女二萬八千七百五十四口寶蔭局約男四萬
九千一百六十一名女二萬二千九百四口泰臨局
約男四萬一千五百七十八名女二萬一千四百三
十五口衛東局約男三萬九千四百五十六名女二
萬五千六百十四口寶勁局約男四萬零四百六十
七名女二萬九千五百三十七口保全局約男三萬
八千三百八十名女二萬七千零一十五口敦俗局
約男三萬九千六百九十二名女二萬六千九百八

邵陽縣鄉土志

卷二

人類

戶口

三

十八名維風局約男三萬二千三百二十三名女二
萬一千零四十二口南鄉四局定遠局約男二萬四
千八百六十八名女一萬八千四百三十一口常勝
局約男三萬二千八百六十四名女二萬零三百四
十五口義勝局約男三萬九千一百四名女二萬七
千三百九十六口大安局約男三萬五千四百一十
七名女二萬一千零四十九口西鄉三局長勝局約
男四萬一千二百三十六名女二萬一千四百三十
九口果勝局約男三萬八千七百二十五名女二萬

二千三百四十六口。西勝局約男三萬五千五百五十七名。女二萬四千一百五十九口。北鄉三局剛勁局約男三萬一千零八十三名。女二萬零九百八十四口。合溪局約男四萬零二百六十八名。女二萬九千六百七十二口。隆勝局約男三萬二千五百三十七名。女二萬四千六百八十三口。以上十八局共男六十七萬五千三百一十名。女四十三萬三千七百九十三口。城鄉內外通計男七十二萬一千六百一十六名。女四十六萬六千三百九十二口。徭民僧道在內。邵陽人數總一百一十八萬八千有奇。

實業

王制言尊君親上。然後興學。必先以無曠土。無游民。中庸言用之者舒。則財恆足。必先以生之者眾。爲之者疾。爲治而不胼手胝足。惟日孳孳。各勤厥業。以生以養。而曰可以富強。可冀甲全球。未之前聞。邵陽東西廣二百三十五里。南北袤一百七十里。丁口近一百二十萬。視古侯伯始封之國。遠過之。得其人以理。固可不以患貧患寡聞也。今其士農工商實業。可得言

者士頗治樸學向當科歲考未廢時試童子者嘗四
千餘人或五千人合習儒業未赴試及廩貢增附諸
生不下千人其數在六千人以外今雖入學堂肄業
數頗有限人或未及從前之眾相去要亦未遠士於
丁口一百二十萬內計屬一百分之農治田甚勤
邵陽田地塘都計九千三十四頃九十三畝有奇夏
秋稅米二萬四十三石有奇內上田每畝徵秋糧米
三升中田二升下田一
升益以屯田九百八十二頃九畝有奇徵米三千
三百九十八石有奇此由乾隆初改依民田上
賦每畝征米三升三合總共
米二萬三千四百四十一石有奇今以鄉眾所謂田
十升爲斗十斗爲石每石約中等米二斗算之農夫
一人牽算耕田一石總計約在一十二萬名有奇農
於丁口一百二十萬內計屬十分之一而強此外工
約五萬內外計屬丁口一百二十萬二十分之一商
約一十二萬名計屬丁口一百二十萬十分之一老
弱婦女約六七十萬計屬丁口百千萬之半無業閒
人約十萬以外計屬丁口一百二十萬十分之半而
弱刻值局團烟冊或未悉載故今所列止此

邵陽縣鄉土志

卷二

人類

實業

三

宗教

中國當天度溫帶之下。自開闢以來。常爲倫物宗祖。其中秀淑之氣。精微之產。咸萃於是。伏羲神農黃帝堯舜。繼天立極。垂憲於前。禹湯文武周公。效法續述。嗣守於後。至孔子而道冠古今。德侔天地。實能繼往開來。卓絕寰區。漢唐暨明代。加推奉。逮我朝。追封五代王爵。竝列於祀。近且至聖神主。金地青書。樂用八佾。均自右門出入。尊崇益至。溥海內外。固已咸知宗尚。不獨西士理各雅者。學於中國。瞻拜孔林。歸掌阿

邵陽縣鄉土志

卷二

人類

宗教

三

斯福書院。以四書五經教人已也。孔子之教。大無不該。莊列申韓。學術雖歧。皆其旁槩。漢唐諸世。於是有佛教。有回教。明時喇嘛黃教紅教。卽佛教餘裔。邇更有天主教耶蘇教。邵陽民風渾噩。婦孺羣知孔教宜宗。回教諸人。耕田服賈。錯處與齊。民不殊。喇嘛稱號稍異。僧流實同。舉屬相安。天主耶蘇教。從前習者絕少。城內外近始建有教堂二處。總其人數。宗孔教者。

皆是回教。不過數百分之一。僧流不過千分之一。天主耶蘇。不過萬分一二。無多可數。今頗敘其源。

流詳其所在俾農工商賈皆有聞見藉知宗依

至聖孔子暨顏回曾參孟軻皆姬周兗州域人孔子生

魯國昌平鄉鄆邑昌平鄉有昌平山在今山東省兗

州府曲阜縣東南五十里以下多本於書鄆邑即今

曲阜縣故鄆城鄆又作陬作鄆字義並同與邾婁之

誤孔子以母顏氏禱於尼邱山生尼邱山在今曲阜

縣東南六十里山之東有顏母山西即昌平山孔涇

祖庭廣記山五峰連峙謂之五老峰中峰即尼邱迥

出雲漢閒所謂圩其頂者此也莊子謂孔子坐乎杏

邵陽縣鄉土志

卷二

人類

宗教

三

壇之上杏壇在今曲阜縣 聖廟殿前檀弓孔子合

葬父母於防今在曲阜縣東防山北三里餘防山高

三里一名筆架山史記載孔子葬魯城北泗上今其

處曰孔林在曲阜縣北二里背泗面洙繞以周垣圍

經數里墓高一丈五尺祠壇在碑前厚三尺方亦如

之墓東十步許為伯魚墓南十步許為子思墓顏子

陋巷在曲阜城內闕里東北墓在曲阜東二十里防

山南前有碑曰先師兗國公之墓冢高丈餘地廣袤

一百五尋又五尺樹木森鬱亦曰顏林曾子南武城

人故城在沂州府費縣西南九十里曾皙墓在費縣

西南八十里濟甯州嘉祥縣南武山陽有曾子墓係明成化時守臣上言所封樹大清一

統志以為參考諸書及祠墓所在當在費縣此姑依志存之孟子故居建有斷機

堂在兗州府鄒縣南門外曝書臺側墓在鄒縣東北

三十里四基山山巔有石狀如堂基與曲阜地相錯

寰宇記謂在曲阜南四十里以唐後四基山地曾屬

曲阜縣故顏曾孟三子皆傳孔子之學者竝列此

回教之祖曰摩哈麥或作摩哈默一作瑪哈穆特一作謨罕慕德當中國六

朝陳宣帝元年生於麥加地當亞細亞州西南濱臨

邵陽縣鄉土志 卷二 人類 宗教 三

紅海壤最腴屬今阿刺伯國亦曰天方國麥加一作默伽亦作

美如摩哈麥少豢駱駝為業患瘋癩時發時愈繼為商

往來西國年二十五娶富商之寡致富初不識字性

聰穎以佛教拜偶像為非又其時泰西歐羅巴洲諸

國耶蘇教已盛行因思別創教門以自標異入山讀

書數年著書曰可蘭凡入教者焚香禮拜念經禁食

豕肉以唐高祖武德四年為人所攻逃難於麥地拿

一作美的納土人靡然從教即以是年為元紀其後

據阿刺伯全土獷悍很摯不從者率眾攻殺鄰部

而從之回教遂蔓延西土摩哈麥兵勢稍定因縱驕淫廣娶婦女妻十餘妾不可數計復奪繼子之妻據為已有沒年六十二葬處在麥地拿其棺以鐵為之每歲諸回至其地接踵膜拜以數萬計西域稱摩哈麥為派罕巴爾猶華言天使其苗裔稱和卓木則華言神裔麥地拿在麥加北亦臨紅海此阿刺伯回種大概也回教今從漢教者有之以漢人從回教縣無聞

喇嘛黃教紅教即佛教喇嘛華言無上即僧佛教出自

五印度印度即身毒即天竺在今前藏後藏之西南其境有雪

邵陽縣鄉土志

卷二

人類

宗教

三九

山拱抱恆河縈流晉僧法顯北魏僧惠生唐僧元奘訪求佛書皆歷其地今中國僧人所衣袈裟即印度人外著之沙郎合掌膜拜為禮皆其土俗諸佛羅漢繪塑之像多裸上體或耳帶環脛束釧此皆印度本俗使然佛法自東漢明帝朝入中國當時蔡愔秦景以白馬馱其經歸六朝時達摩一作磨航海東來又變佛為禪禪之為言靜也其宗旨在淨智妙圓其功要在不思善不思惡時認本來面目達摩初至梁後止北魏嵩山少林寺前明僧宗喀巴者居藏地宗喀巴永樂十

五年生西甯衛學成在西藏於紅衣喇嘛外又別演

甘丹寺示寂在成化十四年黃教其後布滿天下黃教係宗喀巴欲演教時染帽

色以定趨向當日色黃旋會眾自黃其衣冠故人稱

曰黃教喇嘛先娶妻與齊民同其教在後藏既娶妻生子有後始不入室

始登法座今京師 離和宮所居猶多紅教喇嘛邵陽諸

僧衣多黃無喇嘛娶妻諸習紅教以明代諸法王賜紅綺禪衣此本袈裟舊

式其後紅教專持密咒至以吞刀握火矜耀流俗宗喀巴初習紅教後乃改之

天主教耶蘇教蘇亦作蘇初本一教分爲二天主教即係耶

蘇所創一曰公教亦曰洋教意國都城羅馬人崇信

邵陽縣鄉土志 卷二 人類 宗教 四

尤篤舊有教宗國教王之稱耶穌教爲日耳人路得

所創名曰西教又稱修教亦係崇事耶穌但著書譯

解特異於是路得自命正教號稱波羅特士頓教斥

天主洋教爲異端邪說人多信之波羅特士頓教者

譯言誓不從羅馬教也希臘教又天主洋教別派天主教始在羅

馬都城先後教王嗣位略如西藏喇嘛坐牀之俗當

法蘭西創霸教王爲之加冕英吉利北族起兵教王

封以英土遠近入教之徒無數各食教王俸糈凡凶

盜逃入天主堂內無敢過問自路得耶穌教起教王

之權遂衰。歐美諸洲。從天主洋教者。爲意大里亞。爲法蘭西。爲西班牙。爲比利時。爲葡萄牙。從耶穌西教者。爲英吉利。爲荷蘭。爲隴國。爲瑞國。爲普魯士。爲米利堅。兩教參雜者。曰塞地利。曰日耳曼列國。以上多本瀛環志略泰西人虔事天神。始自商中乙時。教祖摩西。摩諸書。

西稱受十誡於紅海北境西奈山。著有舊約一書。生長在土耳其東土猶太國。猶太一名如德亞。卽唐書所謂拂菻。其地南跨阿剌伯。與埃及接境。耶穌當西漢時亦生於此。耶穌者卽譯言救世主也。救世主卽

邵陽縣鄉土志

卷二

人類

宗教

四十一

天主。英人地理全志。謂耶穌普教衆生。令其去惡歸善。爲世所忌。釘於十字架而死。年止三十有三。死後三日復生。四十日間。屢顯見於使徒中。於是白日上昇。歐洲圖考。謂耶穌生地。在如德亞京都日路撒冷之南。白冷下邑。東門外有山洞。長三丈七尺。闊一丈餘。卽其處。東晉以來。多建殿於旁。四方來者。踵趾相錯。別有納匝勒城。則耶穌居家之所。邵陽從前無天主。耶穌二教。自光緒壬寅歲始有假冒入天主堂人。近歲城內外。始各建福音堂一。